


兩漢博聞

二





兩漢博聞

(二)

楊侃編

# 兩漢博聞卷第四

治行曹參傳九

蕭何薨。曹參聞之，告舍人趣治行。

師古曰：舍人猶家人也。一說私屬官主家事者也。趣讀曰促，謂速也。治行，謂修行治裝也。獄市。曹參傳。

曹參屬其後相曰：以齊獄市爲寄。曰：夫獄市者所以并容也。今君擾之，姦人安所容乎。

孟康曰：夫獄市者兼受善惡。若窮極姦人，姦人無所容竄。久且爲亂。秦人極刑而天下畔。孝武峻法而獄繁。此其效也。師古曰：老子云：我無爲民自化。我好靜民自正。參欲以道化爲本，不欲擾其末也。事刀。蒯通傳十五。

蒯通爲范陽令曰：足下殺人之父，孤人之子，慈父孝子，不敢事刀於公之腹者，畏秦法也。

李奇曰：東方人以物舌地中爲事。師古曰：事音側。吏反字本作傳。

封人頸。王莽傳六十九中。

王莽下書曰：妄封人頸，得錢者去。

如淳曰：權臣妄以法枉其人爲僮僕。封其頸以別之也。得願錢乃去封。

阪上走丸。蒯通傳。

蒯通曰。范陽令先下而身富貴。邊城必相率降。如阪上走丸也。

師古曰。言乘勢便易。

申子學。張歐傳十六。

張歐孝文時以治刑名侍太子。

師古曰。劉向別錄云。申子學號曰刑名。刑名者。循名以責實。其尊君卑臣。崇上抑下。合於六經。說者云。刑刑家。名家。卽太史公所論六家之二也。此說非歐音驅。

任俠。季布傳七。

應劭曰。任謂有堅完可任託以事也。如淳曰。相與信爲任。同是非爲俠。師古曰。任謂任使其氣力。俠之言挾也。以權力挾輔人也。任音人禁反俠音下頰反。

冠玉。陳平傳十。

或譏陳平曰。平雖美丈夫。如冠玉耳。其中未必有也。

孟康曰。飾冠以玉。光好外見。中非所有也。

端門。周勃傳十。

師古曰。端門。殿之正門。

從理入口。周勃傳。

許負相周亞夫。君後三歲而侯。侯八歲爲將相。後九歲而餓死。負指其口曰。從理入口。此餓死法也。亞夫果封條侯。爲將軍。拜太尉。下廷尉。不食五日死。

師古曰。從豎也。音子容反。

簿責。周勃傳。

周亞夫下吏。吏簿責亞夫。

如淳曰。簿問其辭情。師古曰。簿問者。書之於簿。一一問之也。

四皓。王貢兩襲傳序四十二。

漢興有東園公、綺里季、夏黃公、甪里先生。

師古曰。四皓稱號本起於此。更無姓名可稱。知此蓋隱居之人匿跡遠害。不自標顯。祕其氏族。故史傳無得而詳。至於後代皇甫謐。圈稱之徒。及諸地理書說。竟爲四人施安姓字。自相錯互。語又不經。班氏不載於書。諸家皆臆說。今並棄略。一無取焉。

衡櫞。王吉傳四十二。司馬相如傳二十七下。

師古曰。衡馬櫞也。櫞車鉤心也。張揖以櫞爲馬之長衡。非也。櫞音其月反。又注司馬相如諫獵書曰。衡槩之變言。馬衡或斷鉤心或出。則致傾敗以傷人也。

詐僞萌生。王吉傳。

師古曰。萌生。言其事出如草木之初生。

翁主。王吉傳。高帝紀又注。

漢家列侯尚公主。諸侯則國人承翁主。

晉灼曰。娶天子女曰尚公主。國人娶諸侯女曰承翁主。尚承皆卑下之名也。師古曰。翁主者。言父自主婚也。

王主。成帝紀建始元年。

張晏曰。王主。王之女也。師古曰。王主。卽翁主也。主自主婚。故曰王主。

軌躅。敘傳七十上。

伏周孔之軌躅。

鄭氏曰。躅迹也。三輔謂牛蹄處爲躅。音丈。欲反。

偶人。公孫賀傳三十六。

朱安世自獄中上書。告公孫賀之子敬聲與陽石公主私通。及使人巫祭祠詛上。且上甘泉當馳道理。偶人賀父子死獄中。家族巫蠱之禍。起自朱安世。成於江充。遂及公主皇后太子。皆敗。師古曰。刻木爲人。象人之形。謂之偶人。偶並也。對也。

左驗楊惲傳三十六 張湯傳二十九

楊惲下廷尉。廷尉于定國考問。左驗明白。

師古曰。左證左也。言當時在其左右見此事者也。又張湯傳注。李奇曰。左證左也。師古曰。謂之左者。言除罪人正身之外。又取其左右者考問也。

城門候蔡義傳三十六

師古曰。門候主候時而開閉也。

橋正劉風菴傳三十六

橋當世反諸正。

師古曰。正曲曰橋。橋讀與矯同。其字從手。

小生朱雲傳三十七

丞相薛宣留朱雲宿。因謂曰。且留我東閣。可以觀四方奇士。雲曰。小生迺欲相吏邪。宣不敢復言。

師古曰。小生謂其新學後進。言欲以我爲吏乎。

畔換敍傳七十下

項氏畔換黜我巴漢

孟康曰。畔反也。換易也。不用義帝要換易與高祖漢中也。師古曰。此說非也。畔換強恣之貌。猶言跋

扈也。詩大雅皇矣篇曰無然畔換。

君侯。劉屈釐傳三十六。

如淳曰漢儀注列侯爲丞相稱君侯。師古曰惲傳邱常謂惲爲君侯是則通呼列侯之稱耳。非必丞相也。

子絲敍傳

子絲慷慨

師古曰爰益字絲此加子者是嘉稱以偶句耳。

行馳道。鮑宣傳四十二。

丞相孔光四時行園陵官屬以令行馳道中。

如淳曰令諸侯有制得行馳道中者行旁道無得中央三丈也。

成帝紀云不敢絕馳道。

應劭曰馳道天子所行道也若今之中道。

丈人。疏廣傳四十一。

師古曰丈人嚴莊之稱也故親而老者皆稱焉。

鑼鼓。東方朔傳三十五。平帝紀元始二年。

師古曰。鉦鼓之教。鉦鼓所以爲進退士衆之節也。

平帝紀。遣執金吾侯陳茂行邊兵。假以鉦鼓。

應劭曰。將帥乃有鉦鼓。今茂官輕兵少。又但往諭曉之耳。所以假鉦鼓者。欲重其威也。鉦者。鐃也。似鈴柄中上下通。師古曰。鉦音征。鐃音女。交反。

亞將。灌嬰傳十二。

虜亞將周蘭。

師古曰。亞次也。

射鵠。李廣傳二十四。

文穎曰。鵠鳥也。故使善射者射之。師古曰。鵠大鷺鳥也。一名鷺。黑色。翮可以爲箭羽。音影。

蘧藪。

師古曰。蘧藪口柔。觀人顏色而爲辭佞也。

閻尹。敍傳下。

師古曰。謂宦人爲閻者。言其精氣奄閉不泄也。一曰主奄閉門者。尹正也。

奪適。梅福傳三十七。

諸侯奪宗聖庶奪適。

如淳曰。奪宗始封之君。尊爲諸侯。則奪其舊爲宗子之事也。奪適文王舍伯邑考而立武王是也。孔子雖庶可爲殷後。師古曰。適讀曰嫡。

祁連山。霍去病傳二十五。

霍去病出北地。遂深入至祁連山。

師古曰。祁連山。卽天山也。匈奴呼天爲祁連。祁音上夷反。

蹠鞠。去病傳。

去病在塞外。卒乏糧而去。病尙穿城蹠鞠也。

服虔曰。穿地作鞠室也。師古曰。鞠以皮爲之。實以毛。蹙蹠而戲也。蹠音徒臘反。鞠音距六反。

冢象祁連。去病傳。

霍去病薨。上悼。發屬國玄甲軍陳。自長安至茂陵。爲冢象祁連山。

師古曰。在茂陵旁。冢上有豎石。冢前有石人馬者。是也。

求雨。董仲舒二十六。

董仲舒爲江都相。治國以春秋災異之變。推陰陽所以錯行。故求雨。閉諸陽。縱諸陰。其止雨反是。

師古曰。若謂閉南門。禁舉火。及開北門。水灑人之類是也。

旬歲。霍方進傳五十四。

翟方進爲丞相司直。旬歲間免兩司隸。朝廷憚之。

師古曰。旬。徧也。滿也。旬歲。猶言滿歲也。若十日之一周。

泉山。朱賈臣傳三十四。

東越王居保泉山。

師古曰。泉山。卽今泉州之山也。保者。保守之以自固也。

承明廬。嚴助傳三十四。

賜會稽太守嚴助詔曰。君厭承明之廬。

張晏曰。承明廬。在石渠閣外。直宿所止。曰廬。

威棱。李廣傳二十四。

威棱。憺乎鄰國。

李奇曰。神靈之威曰棱。憺。動也。憺音徒濫反。

鑿坏。楊雄傳五十七下。

應劭曰。鑿坏。謂顏闔也。魯君聞顏闔賢。欲以爲相。使者往聘。因鑿後垣而亡也。坏音陪。又音普。回反。

宦騎。蘇武傳二十四。

師古曰。宦騎。宦者而爲騎也。

周陸楊雄傳

以罔爲周陸

李奇曰。陸遮禽獸圍陳也。陸音祛。

旒旗藝文志十

師古曰。畫龜蛇曰旒。烏隼曰旗。

謚司馬相如傳二十七下

師古曰。謚者行之迹也。

文鵠相如傳二十七

浮文鵠

張揖曰。鵠水鳥也。畫其象於船首。淮南子曰。龍舟鵠首。天子之乘也。

榜人相如傳二十七下

榜人歌

張揖曰。榜船也。月令云。命榜人。榜人船長也。主倡聲而歌者也。榜音謗。又方孟反。

屬車相如傳二十七下

應劭曰。古者諸侯貳車九乘。秦滅九國。兼其車服。漢依秦制。故大駕屬車八十一乘。師古曰。屬者。言

相連續不絕也。

反騷 廣騷 畔牢愁

楊雄傳五十七上

楊雄讀屈原離騷文，未嘗不流涕以爲君子遇不遇命也。何必湛身哉。投水而死謂之沈。酒作書，往往摭離騷文而反之。自岷山投書江流，以弔屈原。名曰反離騷，又旁離騷作重一篇，名曰廣騷。又旁惜誦以下至懷沙一卷，名曰畔牢愁。

師古曰：旁依也。音步浪反，其下類此。重音直用反。李奇曰：畔離也。牢聊也。與君相離愁而無聊也。師古曰：惜誦懷沙，皆屈原所作九章中名也。

品藻

楊雄傳五十七下

仲尼之後訖於漢，道德行顏閔，股肱蕭曹，爰及名將，尊卑之條稱述品藻，譏淵騫。

師古曰：品藻者，定其差品及文質。

咫尺之書

韓信傳四

奉咫尺之書以使燕，燕必不敢不聽。

師古曰：八寸曰咫。咫尺者，言其簡牘或長咫，或長尺，喻輕率也。今俗言尺書，或言尺牘，蓋其遺語耳。

枉矢

劉向傳六

枉矢夜光。

應劭曰。流星也。其射如矢。蛇行不正。故曰枉矢流以亂伐亂。蘇林曰。有聲爲天狗。無聲爲枉矢。

天狗。劉向傳。

孝昭時。有大星如月。西行。衆星隨之。此爲特異。孝宣興起之表。天狗夾漢而西。  
李奇曰。流星也。下墮地爲天狗。皆祆星。

常伯。谷永傳五十五。

戴金貂之節。執常伯之職。

師古曰。常伯侍中也。伯長也。常使長事者也。一曰。常任使之人。此爲長也。

法從。楊雄傳五十七上。

趙昭儀方大幸。每上甘泉。常法從。

師古曰。法從者。以言法當從耳。非失禮。一曰。從法駕也。

殊庭。郊祀志五下。

師古曰。殊庭。蓬萊中仙人庭也。

首級。衛青傳二十五。

斬輕銳之卒。捕伏聽者三千一十七級。

張晏曰。伏於隱處聽軍虛實。師古曰。本以斬敵一首。拜爵一級。故謂一首爲一級。因復名生獲一爲

一級也。秦法斬首一賜爵一級。

裨王衛青傳。

漢兵圍右賢王。右賢王驚夜逃潰圍北去。輕騎校尉郭成等追數百里弗得。得右賢裨王十餘人。

師古曰。裨王小王也。若言裨將也。

大黃。李廣傳二十四。

李廣自以大黃射其裨將。

服虔曰。黃肩弩也。孟康曰。太公陷堅卻敵以大黃參連弩也。晉灼曰。黃肩卽黃間也。大黃其大者也。

師古曰。服晉二說是也。

從橫短長術。張湯傳二十九。

主父偃傳三十四上。藝文志下。

邊通學短長官至濟南相。

應劭曰。短長術興於六國時。短長其語。隱謬用相激怒也。張晏曰。蘇秦張儀之謀。趣彼爲短歸此爲長。戰國策名短長術也。

主父偃學短長從橫術。

藝文志云。從橫家者流。蓋出於行人之官。孔子曰。誦詩三百。使於四方。不能顥對。雖多亦奚以爲。

師古曰。謂人不達於事。誦詩雖多。亦無所用。

三尺法杜周傳二十

客謂廷尉杜周曰。君爲天下決平。不循三尺法。專以人主意指爲獄。獄者固如是乎。

孟康曰。以三尺竹簡書法律也。

箴石藝文志

師古曰。箴。所以刺病也。石謂砭石。卽石箴也。古者攻病則有砭。今其術絕矣。箴音之林反。砭音彼廉反。

亹然董仲舒傳二十六

子大夫亹然爲舉首。

張晏曰。亹進也。爲舉賢良之首也。師古曰。亹然。盛服貌也。

數奇李廣傳

大將軍陰受上指。以爲李廣數奇。

孟康曰。奇。隻不耦也。如淳曰。數爲匈奴所敗。爲奇不耦。師古曰。言廣命隻。不耦合也。孟說是矣。數音所角。反奇音居。宜反。

居無何李廣傳

師古曰。無何。謂未多時也。

鳥號司馬相如傳二十七上  
郊祀志五上

左鳥號之雕弓

應劭曰：楚有柘桑，鳥栖其上，支下著地，不得飛，欲墮號呼，故曰鳥號。

郊祀志：黃帝采首山銅鑄鼎於荆山下。鼎既成，有龍垂胡鬚下迎黃帝。黃帝上騎，羣臣後宮從上。龍七十餘人，龍迺上去。餘小臣不得上。迺悉持龍頸，龍頸拔墮，墮黃帝之弓。百姓仰望黃帝既上天，乃抱其弓與龍頸號。故後世名其處曰鼎湖。其弓曰鳥號。於是天子曰：嗟夫！誠得如黃帝，吾視去妻子如脫屣耳。

師古曰：屣，小履。脫屣者，言其便易無所顧也。

不世之功

後漢隗囂傳三附

足下將建伊呂之業，宏不世之功。

注云：不世者，言非世之所常有也。

鼐鼎及鼒

鼐鼎及鼒

師古曰：鼎絕大者謂之鼐。圜弇上謂之鼒。鼐音乃代反。鼒音茲。

十二樓郊祀志五下

方士有言黃帝時爲五城十二樓以候神人名曰迎年。

應劭曰昆侖玄圃五城十二樓仙人之所常居師古曰迎年若云祈年。

箭服相如傳。

右夏服之勁箭。

伏儼曰服盛箭器也夏后氏之良弓名繁弱其矢亦良卽繁弱之箭服也師古曰箭服卽今之步叉也。

伏祠郊祀志五上

秦德公作伏祠。

孟康曰六月伏日也周時無至此乃有之師古曰伏者謂陰氣將起迫於殘陽而未得升故爲藏伏因名伏日也立秋之後以金代火金畏於火故至庚日必伏庚金也。

梟鏡郊祀志

人有言古天子常以春解祠祠黃帝用一梟破鏡。

張晏曰黃帝五帝之首也春歲之始也梟惡逆之鳥方士虛誕云以歲始破除凶災令神仙之帝食惡逆之物使天下爲逆者破滅訖竟無有遺育也孟康曰梟鳥名食母破鏡獸名食父黃帝欲絕其類使百吏祠皆用之破鏡如驅而虎眼如淳曰漢使東郡送梟五月五日作梟羹以賜百官以其惡

鳥故食之也。師古曰：解祠者謂祠祭以解罪求福。

縉紳郊祀志

李奇曰：縉插笏於紳紳大帶也。臣瓊曰：縉赤白色紳大帶也。左氏傳有縉雲氏。師古曰：李曰：縉插也。字本作搢。插笏於大帶與革帶之間耳。或作薦紳者亦謂薦笏於紳帶之間其義同。

縣叢叔孫通傳十三

叔孫通與其弟子百餘人爲縣叢野外。

應劭曰：立竹及茅索營之習禮儀其中也。如淳曰：謂以茅翦樹地爲幕位尊卑之次也。春秋傳曰：置茅蘄。師古曰：叢與蘄同。並子悅反如說是也。

九賓叔孫通傳

大行設九賓臚句傳

蘇林曰：上傳語告下爲臚。下告上爲句也。韋昭曰：大行掌賓客之禮。今之鴻臚也。九賓則周禮九儀也。謂公侯伯子男孤卿大夫士也。

鴟夷范蠡傳六十一 鄒陽傳二十八

師古曰：范蠡自號鴟夷子皮者言若盛酒之鴟夷多所容受而可卷懷與時張弛也。鴟夷皮之所爲故曰子皮。應劭曰：吳王取馬革爲鴟夷受伍子胥沈之江鴟夷檻形。師古曰：卽今之盛酒鴟夷勝。

傾蓋鄒陽傳

鄒陽上梁孝王書語曰白頭如新傾蓋如故何則知與不知也

孟康曰初相識至白頭不相知文穎曰傾蓋猶交蓋駐車也

統斷幹枚乘傳二十一

泰山之雷穿石單極之統斷幹

孟康曰西方人名屋梁爲極單一也一說梁謂井鹿盧也言鹿盧爲綆索久鍊斷井幹也晉灼曰統古綆字也單盡也盡極之綆斷幹幹井上四交之幹常爲汲索所契傷也師古曰晉說近之幹者交木井上以爲欄者也孟云鹿盧失其義也統綆皆音鯁鍊契皆刻也音口計反

文甲東方朔傳後漢杜篤傳後漢王符傳

師古曰璫瑁文甲也廣志曰璫瑁形似龜出南海吳錄曰璫瑁似龜而大

五諸侯高帝紀二年

羽雖聞漢東旣擊齊欲遂破之而後擊漢漢王以故得劫五諸侯兵

師古曰五諸侯者謂常山河南韓魏殷也此年十月常山王張耳降河南王申陽降韓王鄭昌降三

月魏王豹降虜殷王卬

復除高帝紀二年

蜀漢民給軍事勞苦復勿租稅二歲

師古曰復者除其賦役也音方目反

拔城

高帝紀秦二年

攻碭三日拔之

師古曰拔者克城邑而取之言若拔樹木并得其根

穀謙郊祀志五下

師古曰謙少意也言穀稼少謙音苦箇反

急就篇藝文志十

元帝時黃門令史游作急就篇成帝時李長作元尚篇皆蒼頡中正字也

八體藝文志

韋昭曰八體一曰大篆二曰小篆三曰刻符四曰蟲書五曰摹印六曰署書七曰殳書八曰隸書

六體藝文志

六體者古文奇字篆書隸書繆篆蟲書

師古曰古文謂孔子壁中書奇字卽古文而異者也篆書謂小篆蓋秦始皇使程邈所作也隸書亦程邈所獻生於徒隸從簡易也始造隸書起於官獄多事苟趨者易施之於徒隸也繆篆謂其文屈曲纏繞所以摹印章也蟲

書謂蟲鳥之形所以書幡信也

秦篆藝文志

史籀篇者周時史官教學童書也與孔氏壁中古文異體蒼頡七章者李斯所作也博士七章者胡毋敬所作也文字多取史籀篇而篆體復頗異所謂秦篆也

竹皮冠

高帝紀

應劭曰以竹始生皮作冠今鵲尾冠是也文穎曰高祖居貧志大取其約省與衆有異韋昭曰竹皮竹筠也今南夷取竹級時續以爲帳師古曰竹皮笋皮謂笋上所解之籜耳非竹筠也今人亦往往爲笋皮巾古之遺制也

能

高帝紀

吾非敢自愛恐能薄

師古曰能謂材也能本獸名形似熊足似鹿爲物豎中而強力故人謂有賢材者皆爲能

擊筑

高帝紀十二年 後漢廷篤傳五十四

高祖過沛留置酒沛宮酒酣上擊筑而歌

鄧展曰筑音竹應劭曰狀似琴而大頭安弦以竹擊之故名曰筑師古曰今筑形似瑟而細頸也後

漢書注云說文曰筑五弦之樂沈約宋書曰筑不知誰所造也史記唯云高漸離擊筑案今筑形似

筆有項有柱史記荆軻至燕日與屠狗及高漸離擊筑荆軻和而歌於市中相樂已而相泣旁若無人

三雍。河間獻王傳二十三。

河間獻王武帝時來朝獻雅樂對三雍宮。

應劭曰辟雍明堂靈臺也雍和也言天地君臣人民皆和也又漢書音義曰皆叶天人雍和之氣爲之故謂三雍。

蹲鴟貨殖傳六十一。

蜀卓氏曰吾聞嶧山之下沃墾下有蹲鴟至死不飢。

師古曰蹲鴟謂芋也其根可食以充糧故無飢年華陽國志曰汝山郡都安縣有大芋如蹲鴟也。

感槧。郭解傳六十二。季布傳七。

郭解少時陰賊感槧。

師古曰陰賊者陰懷賊害之意也感槧者感意氣而立節槧也。

季布傳贊曰婢妾賊人感槧而自殺非能勇也。

五陵。原涉傳六十三。

師古曰五陵謂長陵安陵陽陵茂陵平陵也班固西京賦曰南望杜霸北眺五陵是知霸陵杜陵非

此五陵之數也。而說者以爲高祖以至茂陵爲五陵，失其大意。

二府劉向傳六

如淳曰：二府謂丞相、御史大夫府也。亦曰兩府也。

交戟劉向傳

佞邪與賢臣並在交戟之內。

師古曰：交戟，謂宿衛者。

置醴楚元王傳六

魯穆生受詩於浮丘伯。楚元王好詩，以穆生爲中大夫。穆生不嗜酒。元王每置酒，常爲穆生設醴。及王戊卽位，常設後忘設焉。穆生退曰：可以逝矣。醴酒不設，王之意怠。楚人將鉗我於市，稱疾臥。

師古曰：醴，甘酒也。少麴多米，一宿而熟，味齊也。

枕中書劉向傳

宣帝興神仙方術之事。而淮南有枕中鴻寶苑祕書。言神仙使鬼物爲金之術。及鄒衍重道延命方。世人莫見。而劉更生父德武帝時治淮南獄。得其書。更生幼而讀誦。以爲奇。獻之。言黃金可成。上令典尚方鑄作事。費甚多方。不驗。

師古曰：鴻寶苑祕書。並道術篇名。藏在枕中。言常存錄之。不漏泄也。

印刂。韓信傳四。

韓信曰。項王使人有功當封爵。刻印刂。忍不能予。

蘇林曰。刂音刂角之刂。刂與搏同。手弄角訛。不忍授也。師古曰。刂音五九反。搏音大官反。馮軾。酈食其傳十三。

酈食其馮軾。下齊七十餘城。

師古曰。馮讀曰憑。據也。軾車前橫板隆起者也。云憑軾者。言但安坐乘車而游說。不用兵衆。間路。韓信傳。酈布傳四。

韓信欲東下井陘擊趙。李左車說趙王曰。願假臣等兵三萬人。從間路絕其輜重。

師古曰。間路。微道也。

黥布先從間道破關下軍。

師古曰。間道。微道也。

葬驪山。劉向傳。

秦始皇葬於驪山之阿。下銅三泉。上崇山墳。高五十餘丈。石椁爲游館。人膏爲燈燭。水銀爲江海。黃金爲鳧雁。珍寶之藏。機械之變。棺槨之麗。宮館之盛。不可勝原。又多殺宮人生薙工匠。計以萬數。驪山之作未成。而周章百萬之師至其下矣。項籍燔其宮室。往者咸見發掘。其後牧兒亡羊。羊入其鑿牧者持

火照求羊失火燒其藏櫟。

師古曰。石櫟爲游館者。多累石於壙中。以爲離宮別館也。孟康曰。作機發木人之屬。盡其巧變也。晉灼曰。始皇本紀。命匠作機弩矢。有所穿近。輒射之。又言工匠爲機。咸皆知之。已下閉羨門。皆殺工匠也。師古曰。不可勝原者。言不能盡其本數也。周章陳勝之將也。往者皆發掘之。以求財物也。鑿謂所穿冢藏者。音在剝反。

驕騎惠帝紀 東方朔傳又注

應劭曰。驕騎也。師古曰。驕。本廄之駁者。後又令爲騎。因爲驕騎耳。

凌室惠帝紀 武帝紀又注

師古曰。凌室。藏冰之室也。

間者文帝紀

師古曰。間者。猶言中間之時也。

弋綿文帝紀贊

文帝身衣弋綿。

如淳曰。弋。阜也。賈誼曰。身衣阜綿。師古曰。弋。黑色也。綿厚繪。音大奚反。  
太夫人文帝紀。

如淳曰。列侯之妻稱夫人。列侯死。子復爲列侯。乃得稱太夫人。子不爲列侯。不得稱也。

醪。文帝紀

師古曰。醪。汗滓酒也。

指縱。蕭何傳九

功臣皆曰。蕭何未有汗馬之勞。居臣等上。何也。上曰。諸君知獵乎。夫獵。追殺獸者狗也。而發縱指示獸處者人也。

師古曰。發縱。謂解繩而放之也。指示者。以手指示之。俗言放狗。縱音子用反。而讀者乃爲蹤蹟之蹤。非也。書本皆不爲蹤字。自有逐蹤之狗。不待人發也。

棧道。高帝紀

張良曰。說漢王燒絕棧道。

師古曰。閣道也。

鳩酒。齊悼惠王傳八

應劭曰。鳩鳥黑身赤目。食蝮蛇野葛。以其羽畫酒中。飲之立死。

引強。周勃傳十

周勃材官引強。

服虔曰能引強弓弩官也孟康曰如今挽強司馬也師古曰強音其兩反。

殿兵周勃傳

周勃擊章邯車騎殿

師古曰殿墳也謂鎮軍後以扞敵勃擊破章邯之殿兵也殿音丁見反  
鈍如椎周勃傳

周勃不好文學每召諸生說士東鄉坐責之趣爲我語其樸椎少文如此

臣瓊曰令直言勿稱經也師古曰趣讀曰促謂令速言也服虔曰謂訥鈍也應劭曰今俗名拙語爲  
椎儲師古曰椎謂樸鈍如椎也音直推反

酒家保樂布傳七

樂布窮困賣庸於齊爲酒家保

孟康曰酒家作保保庸也可保信故謂之保師古曰謂庸作受顧也爲保謂保可任使

遮虜障李陵傳二十四

師古曰障者塞上險要之處往往修築別置候望之人所以自障蔽而伺敵也遮虜障名也

穹廬匈奴傳六十四上

師古曰穹廬旗帳也其形穹隆故曰穹廬

成蹊李廣傳贊二十四

諺曰桃李不言下自成蹊

師古曰蹊謂徑道也言桃李以其華實之故非有所召呼而人爭歸趣來往不絕其下自然成徑以喻人懷誠信之心故能潛有所感也

爰臂李廣傳

李廣爰臂

如淳曰臂如猿臂通肩也

厥角韜首諸侯王表二

王莽因母后之權漢諸侯王厥角韜首

應劭曰厥者頓也角者領角也韜首首至地言王莽漸漬威福漢之王侯莫敢怨望皆頓角韜首至地而上其璽綬也晉灼曰厥猶豎也叩頭則領角豎韜與稽同

門牡飛五行志七中之上

成帝元延元年長安章城門門牡自亡函谷關次門牡亦自亡

晉灼曰章城門者西出南頭第一門也師古曰牡所以下閉者也亦以鐵爲之章昭曰次門者函谷關邊小門也師古曰非行人所由蓋關司曹府所在之門也

京房易傳曰。飢而不損。茲爲泰。厥災水。厥咎牡亡。妖辭曰。關動牡飛。辟爲士道。臣爲非厥咎。亂臣謀篡。故谷永對曰。章城門。通路寢之路。函谷關。距山東之險。城門。關守國之固。固將去焉。故牡飛也。

九流藝文志十

儒家者。流出於司徒之官。道家者。流出於史官。陰陽家者。流出於羲和之官。法家者。流出於理官。名家者。流出於禮官。墨家者。流出於清廟之守。從橫家者。流出於行人之官。雜家者。流出於議官。農家者。流出於農稷之官。小說家者。流出於稗官。諸子十家。其可觀者九家而已。皆起於王道既微。諸侯力政。時君世主好惡殊方。是以九家之術。蠭出並作。

師古曰。稗音梯。稗之稗。官小官。漢名臣奏。唐林請省置吏公卿大夫至都官稗官各減什三。是也。初用夏正。高里。武帝紀。

太初元年冬十月行幸泰山。十一月甲子朔旦冬至。祀上帝於明堂。十二月禮高里。

應劭曰。初用夏正。以正月爲歲首。故改年爲太初也。高里者。伏儼曰。山名在泰山下。師古曰。此高字自作高下之高。而死人之里謂之蒿里。或呼爲下里者也。字卽爲蓬蒿之蒿。或者旣見太山神靈之府。高里山又在其旁。卽誤以高里爲蒿里。混同一事。文學之士。共有此謬。陸士衡尚不免。況其餘乎。今流俗書本此高字。有作蒿者。妄加增耳。

尋命昭帝紀

始元元年益州牂柯等皆反遣水衡都尉呂破胡募吏民及發犍爲蜀郡苑馬擊益州大破之應劭曰舊時郡國皆有材官騎士以赴急難今夷反常兵不足以討之故權選取精勇聞命奔走故謂之奔命師古曰犇古奔字耳犍音虔又鉅言反

封君食貨志四下

師古曰封君受封邑者謂公主及列侯之屬也

卽山鑄錢食貨志

建元以來用度少縣官往往卽多銅山而鑄錢

師古曰就多銅之山而鑄錢也

摩錢質取鎔食貨志

姦或盜摩錢質而取鎔

臣瓊曰許慎云鎔銅屑也摩錢漫而以取其屑更以鑄錢西京黃圖敍曰民摩錢取屑是也師古曰

鎔音谷

皮幣食貨志

有司言曰古者皮幣諸侯以聘享金有二等黃金爲上白金爲中赤金爲下今半兩錢法重四銖而姦或盜摩錢質而取鎔錢益輕薄而物貴則遠方用幣煩費不省乃以白鹿皮方尺緣以績爲皮幣直四

十萬。王侯宗室朝覲聘享必以皮幣薦璧然後得行。又造銀錫白金以爲天用莫如龍地用莫如馬人用莫如龜故白金三品其一曰重八兩圓之其文龍名白撰直三千二曰以重差小方之其文馬直五百三曰複小攢之其文龜直三百令縣官銷半兩錢更鑄三銖錢重如其文盜鑄諸金錢罪皆死而吏民之犯者不可勝數。

孟康曰白金銀也赤金丹陽銅也鄭氏曰半兩錢其文爲半兩實重四銖也師古曰纘繡也繪五采而爲之如淳曰銀錫白金者雜鑄銀錫爲白金也晉灼曰以重差小之者以半斤之重差爲三品則中品六兩下品四兩也師古曰攢音他果反攢圓而長之也。

苑馬景帝紀中六年

匈奴入鴈門至武泉入上郡取苑馬

如淳曰漢儀注太僕牧師諸苑三十六所分布北邊西邊以郎爲苑監官奴婢三萬人養馬三十萬頭師古曰武泉雲中之縣也養鳥獸者通名爲苑故謂牧馬處爲苑

商顏溝洫志九

發卒萬人穿渠自徵引洛水至商顏下

師古曰徵音懲卽今所謂澄城也商顏商山之顏也謂之顏者譬人之顏額也亦猶山領象人之顙

黔首藝文志十 後漢光武紀

師古曰秦謂人爲黔首言其頭黑也又光武建武五年注秦呼人爲黔首謂奴爲蒼頭以別於良人也

鶡冠藝文志 後漢志三十

楚人居深山以鶡爲冠 師古曰以鶡鳥羽爲冠

後漢志武冠加雙鶡尾豎左右爲鶡冠五中郎將羽林左右監等皆冠鶡冠鶡者勇雉也其鬪對一死乃止故趙武靈王以表武事奉施之焉

徐廣曰鶡似黑雉出於上黨苟綽晉百官表注曰冠插兩鶡鷺鳥之暴疏者也每所攬撮應爪掩翫天子武騎故以冠焉傅玄賦注曰羽騎騎者戴鶡

雉經馮奉世傳贊四十九

申生雉經

師古曰國語云晉獻公黜太子申生乃雉經於新城之廟蓋爲俛頸閉氣而死若雉之爲牢讓

牢讓爵位

咀藥王嘉傳五十六

王嘉引藥杯以擊地曰三公負國當伏刑都市何謂咀藥而死

師古曰咀嚼也

劍璣王莽傳六十九上

王莽爲新都侯就國孔休守新都相莽盡禮待之緣恩意進玉具寶劍欲以爲好休不肯受莽因曰誠見君而有瘢美玉可減瘢欲獻其瑑卽解其瑑休復辭莽曰君嫌其價邪遂椎碎之自裹以進休休乃受及莽徵去欲見休休稱疾不見

師古曰瘢創痕也服虔曰瑑音衛蘇林曰劍鼻也師古曰瑑本作璣後傳寫訛也瑑自彫瑑字耳音篆說文云劍鼻玉也從玉瑑音直例反

秒忽敘傳七十下

元元本本數始於一產氣黃鍾造計秒忽

劉德曰秒禾芒也忽蜘蛛網細者也師古曰秒音眇其字從禾置亭馮奉世傳劉屈釐傳又注

師古曰置謂置驛之所也

離飢寒蕭望之傳四十八

邊郡數被兵離飢寒

師古曰離遭也

金選之品蕭望之傳

西羌反張敞上書言縣官穀度不足以振之度徒各反願令諸有皋非盜受財殺人及犯法不得赦者皆得以差入穀贖罪天子下其議兩府丞相御史以難問敞敞曰因此令贖其便明甚何化之所亂甫刑之罰小過赦薄罪贖有金選之品

師古曰呂侯爲周穆王司寇作贖刑之法謂之呂刑後改爲甫侯故又稱甫刑也應劭曰選音刷金銖兩名也師古曰音刷是也字本作銖銖卽鋐也其重十二銖二十五分銖之十三一曰重六兩呂刑曰墨辟疑赦其罰百鋐劓辟疑赦其罰惟倍荆辟疑赦其罰倍差宮辟疑赦其罰六百鋐大辟疑赦其罰千鋐是其品也

名數孔光傳五十一

元帝賜霸第一區徒名數於長安

師古曰名數戶籍也

首鼠兩端田蚡灌夫傳二十二

武安侯田蚡始未貴時往來侍酒於魏侯竇嬰所跪起如子姓及蚡貴士吏趨勢利者皆去嬰而歸蚡蚡日益橫灌夫者父張孟嘗爲灌嬰舍人得幸故蒙灌氏姓吳楚反夫父子俱有功武帝時夫位至太

僕後盼請嬰城南田。嬰曰：老僕雖棄，將軍雖貴，寧可以勢相奪乎？不許。夫聞，怒。盼聞，嬰夫怒，不與田。盼亦怒。兩人有隙。盼取燕王女爲夫人。嬰與夫俱往賀。途縛夫居室，遣吏遂捕諸灌氏支屬，皆得棄市罪。嬰救夫，因言盼短。兩人廷辨之。盼罷朝，召御史大夫韓安國。怒曰：與長孺共治一禿翁，何爲首鼠兩端？嬰夫皆棄市。

師古曰：姓生也。言同子禮若己所生也。居室署名屬少府長孺。安國字也。張晏曰：禿翁言嬰年老嗜酒頭禿，言當共治一禿翁也。服虔曰：首鼠一前一卻也。

睢陽曲梁孝王傳十七

梁孝王築東苑三百餘里，廣睢陽城七十里。

師古曰：更廣大之也。晉太康地記云：城方十三里。梁孝王築之，鼓倡節杵而後下，和之者稱睢陽曲。今踵以爲故，今之樂家睢陽曲是其遺音。

# 兩漢博聞卷第五

請聞文帝紀爰盎傳十九

代王至渭橋羣臣拜謁太尉勃進曰願請聞宋昌曰所言公公言之所言私王者無私

師古曰閒容也猶今言中閒也請容暇之頃當有所陳不欲於衆顯論也又注云欲因閒隙私有所白也

鳴镝匈奴傳六十四上

冒頓作鳴镝令曰鳴镝所射而不悉射者斬已而冒頓以鳴镝自射其善馬復射其愛妻左右或莫敢射皆斬之後猶以鳴镝射煞其父頭曼自立

應劭曰鳴镝讐箭也讐音呼交反師古曰曼音莫安反

持滿匈奴傳

持滿傳矢外鄉

師古曰傳讀曰附鄉讀曰嚮持滿言滿引弓弩注矢外捍也

駿驥冠佞幸傳六十三司馬相如傳二十七上

孝惠時侍中皆冠駿驥貝帶傅脂粉

師古曰以駿驥毛羽飾冠海貝飾帶駿驥卽鸞鳥也晉峻儀又相如傳注云駿驥似山雞而小冠背毛黃腹下赤項綠色其尾毛紅赤光采鮮明今俗呼爲山雞其實非也

餐霞相如傳二十七下

吸沆瀣兮餐朝霞

應劭曰列仙傳陵陽子言春食朝霞者日始欲出赤黃氣也夏食沆瀣北方夜半氣也并天地玄黃之氣爲六氣

倒景相如傳

貫列缺之倒景

服虔曰列缺天閃也人在天上下向視日月故景倒在下也

郊祀志登遐倒景如淳曰在日月之上反從下照故其影倒

涓人蒼頭軍陳勝傳一石奮傳十六

陳勝旣爲其御莊賈所殺而降秦勝故涓人將軍呂臣爲蒼頭軍起新陽

應劭曰時軍皆著青巾故曰蒼頭軍也師古曰涓潔也涓人主潔除之人涓音獨石奮爲高祖中涓中涓官名主居中而涓潔者

上游項籍傳一匈奴傳

項羽陽尊懷王爲義帝。曰：古之王者，地方千里，必居上游，徙之長沙都郴。

文穎曰：居水之上流也。師古曰：游卽流也。又匈奴傳從上游來厭人。

拾芥。夏侯勝傳四十五。

夏侯勝每講授，常謂諸生曰：士病不明經術，經術苟明，其取青紫，如俛拾地芥爾。

師古曰：地芥，謂草芥之橫在地上者，俛而拾之，言其易而必得也。青紫，卿大夫之服也。俛卽俯字也。

天極。李尋傳四十五。

李尋云：紫宮極樞，通位帝紀。

孟康曰：紫宮，天之北宮也。極，天之北極星也。樞是其迴轉者也。天文志曰：天極，其一明者，太一常居也。太一，天皇大帝也。與通極爲一體，故曰通位帝紀也。

折膠。鼂錯傳。

鼂錯曰：陛下絕匈奴不與和親，臣竊意其冬來南也。欲立威者，使於折膠來而不能困，使得氣去，後未易服也。

蘇林曰：秋氣至，膠可折，弓弩可用。匈奴常以爲候而出軍。師古曰：使得氣去者，使其得勝，逞志氣而去。

賈豎。張良傳十。

張良曰秦兵尚強未可輕也其將屠者子賈豎易動以利令持重寶啗秦將

師古曰商賈之人志無遠大譬如僮豎故云賈豎

長休告丙吉傳四十四

丙吉居相位上寬大掾史有罪臧不稱職輒予長休告

師古曰長給休假令其去職也

大府張湯傳二十九

大府丞相府也

方中張湯傳

張湯調茂陵尉治方中

蘇林曰天子卽位豫作陵師古曰古謂掘地爲阤曰方今荆楚俗土功築作算程課者猶以方計之爰書張湯傳

張湯劾鼠掠治傳爰書訊鞠論報

師古曰傳謂傳遞若今之追送赴對也爰換也以文書代換其口辭也訊考問也鞠窮也謂窮覈之也論報謂上論之而獲報也

縣士歲天文志六 李尋傳

天文志曰。冬至短極。縣土炭。炭動。麋鹿解角。蘭根出。泉水踊。

孟康曰。先冬至三日。縣土炭於衡。兩端輕重適均。冬至而陽氣至。則炭重。夏至而陰氣至。則土重。晉灼曰。蔡邕律歷記。候鍾律。權土炭。冬至陽氣應。黃鍾通。土炭輕而衡仰。夏至陰氣應。蕤賓通。土炭重而衡低。進退先後五日之中。

李尋曰。政治感陰陽。猶鐵之低仰見效。可信者也。

孟康曰。天文志云。縣土炭也。以鐵易土耳。先冬夏至。縣鐵炭於衡各一端。令適停。冬陽氣至。炭仰而鐵低。夏陰氣至。炭低而鐵仰。以此候二至也。

景星。天文志六

景星德星也。其狀無常。常出於有道之國。

舞知。乾沒  
張湯傳

張湯舞知以御人。始爲小吏。乾沒與長安富賈田甲。魚翁叔之屬交私。

師古曰。舞弄其智制御他人也。服虔曰。乾沒。射成敗也。如淳曰。豫居物以待之。得利爲乾。失利爲沒。乾音干。

閒適。杜欽傳三十

支庶有閒適之心。

師古曰。閒代也。音居覓反。適讀曰嫡。

綠車。金日磾傳三十八。王莽傳六十九上。

金敞爲衛尉。病甚。上拜其子涉爲侍中。使綠車載送衛尉舍。

晉灼曰。漢注。綠車名皇孫車。太子有子。乘以從。如淳曰。常置左右以待召。載皇孫李奇曰。欲敞見其榮寵也。

王莽得乘綠車從。

師古曰。亦以寵之也。

珠襦。霍光傳三十八。

將廢昌邑王。太后被珠襦盛服。坐武帳中。武士陞轂。陳列殿下。

晉灼曰。貫珠以爲襦形。若今革襦矣。師古曰。陞轂謂執轂以衛陛下。

席勝。劉通傳十五。

乘利席勝。威震天下。

師古曰。席因也。若人之在席上。

琅當。西城傳六十六上。後漢循吏傳序注。

軍候趙德使屬賓與屬賓王陰末赴相失。陰末赴領琅當德殺副已下七十餘人。

師古曰。琅當長鎖也。若今之禁繫人鎖矣。琅音郎。後漢注云。王莽一家鑄錢。保五人沒入爲官奴婢。男子檻車。女子步鐵鎖。琅當其頸。愁苦死者十七八。

橫行書。西域傳。

服虔曰。安息國橫行爲書記。師古曰。今西方胡國及南方林邑之徒。書皆橫行。不直下也。

尉薦。趙廣漢傳四十六。

趙廣漢爲二千石。以和顏接士。其尉薦待遇吏殷勤甚備。

師古曰。尉薦謂安尉而薦達之。

童騎。張敞傳四十六。

出從童騎。

師古曰。以童奴爲騎而自從也。

便面。張敞傳。王莽傳。

張敞爲京兆尹。無威儀。時罷朝會。過走馬章臺街。使御史驅。自以便面拊馬。

師古曰。便面。所以障面。蓋扇之類也。不欲見人。以此自障面。則得其便。故曰便面。亦曰屏蔽。今之沙門所持竹扇。上袤平而下圓。卽古之便面也。音頻面反。

王莽常翳雲母便面。

金布令。蕭何之傳四十八。

金布令甲曰。邊郡數被兵。離飢寒。天絕天年。父子相失。令天下共給其費。  
師古曰。同共給之也。自此以上。令甲之文。金布者。令篇名也。其上有府庫金錢布帛之事。因以篇名  
令甲者。其篇甲乙之次。

犀利。馮奉世傳四十九。

羌戎弓矛之兵耳。器不犀利。

晉灼曰。犀堅也。

千人司馬。馮奉世傳。

如淳曰。漢注。邊郡置都尉及千人司馬。皆不治民也。

畫象。武帝紀元光元年。

詔曰。昔在唐虞。畫象而民不犯。

應劭曰。二帝但畫衣冠異章服。而民不敢犯。師古曰。白虎通云。畫象者。畫其衣服象五刑。

度曲。元帝紀贊。

元帝多材藝。善史書。鼓琴瑟。吹洞簫。自度曲。被歌聲。

應劭曰。史書周宣王太史籀所作大篆也。度曲謂自隱度作新曲。因持新曲以爲歌詩聲也。荀悅曰。

被聲能播樂也臣瓊曰度曲謂歌終更授其次謂之度曲西京賦曰度曲未終雲起雪飛張衡舞賦亦曰度終復位次受二八度音大各反被音皮義反

甲觀畫堂成帝紀

孝成皇帝元帝太子也母王皇后元帝在太子宮生甲觀畫堂

如淳曰三輔黃圖云太子宮有甲觀師古曰甲者甲乙丙丁之次元后傳言見於丙殿此其例也畫堂但畫飾耳霍光止畫室中是則宮殿中通有彩畫之堂室

祫祭平帝紀

元始五年祫祭明堂

應劭曰禮五年而再殷祭一禘一祫祫祭者毀廟與未毀廟之主皆合食於太祖

郡將嚴延年傳六十

師古曰謂郡守爲郡將者以其兼領武事也

股弁嚴延年傳

嚴延年爲涿郡太守按大姓高氏獄吏皆股弁

師古曰股戰若弁弁謂撫手也

縣度西域烏桓國六十六上西域屬賓國

烏秅國其西則有縣度去陽關五千八百八十八里縣度者石山也谿谷不通以繩索相引而度成帝時罽賓國復遣使獻謝罪漢欲遣使者報送其使杜欽說大將軍王鳳曰今縣度之阨歷大頭痛小頭痛之山赤土身熱之阪令人身熱無色頭痛嘔吐驢畜盡然行者騎步相持繩索相引二千餘里乃到縣度其鄉暮不足以安西域有求則卑辭無欲則嬌嫚終不可懷服也

師古曰縣繩度也縣古懸字耳

蠻飲

西域傳

烏秅國山居累石爲室民接手飲

師古曰自高山下谿澗中飲水故接連其手如蠻之爲

馬復令

西域傳

當今務在禁苛暴止擅賦力本農修馬復令

師古曰馬復因養馬以免徭賦也復音方目反

田輪臺渠犁

西域傳

武帝初通西域置校尉屯田渠犁是時軍旅連出海內虛耗弘羊等奏言故輪臺以東捷枝渠犁有溉田五千頃以上臣以爲可遣屯田卒詣輪臺以東置校尉三人分護以時益種五穀詔曰今請遠田輪臺起亭隧是擾勞天下非所以優民也

師古曰。隱者。依深險之處。關通行道也。

儀形。王莽傳六十九上。

唯陛下儀形虞周之盛。

子午道。王莽傳。

王莽以皇后有子孫瑞通子午道。子午道從杜陵直絕南山。徑漢中。

張晏曰。時年十四。始有婦人之道也。子水午火也。水以天一爲牡。火以地二爲牡。故火爲水妃。今通子午以協之。師古曰。子。北方也。午。南方也。言通南北道相當。故謂之子午耳。今京城直南山有谷通梁漢道者。名子午谷。又宜州西界有山名子午嶺。計南北直相當。此則北山者是子。南山者是午。共爲子午道。

跬步。王莽傳。

進不跬步。

師古曰。半步曰跬。謂一舉足也。音空槧反。

毛摯。義縱傳六十。

義縱爲定襄太守。郡中不寒而栗。縱以鷹擊爲治。

師古曰。言如鷹隼之擊。奮毛羽。執取飛鳥也。

東溼甯成傳

甯成以郎謁者事景帝。好氣，爲少吏，必陵其長吏。爲人上，操下急，如東溼。

師古曰：操執持也。東溼言其急之甚也。溼物則易，東操音千高反。

曲臺記。孟卿傳五十八。藝文志十。

后蒼說禮數萬言，號曰后氏曲臺記。

服虔曰：在曲臺校書著記，因以爲名。師古曰：曲臺殿，在未央宮。藝文志注如淳曰：行禮射於曲臺。后蒼爲記，故名曰曲臺記。漢官儀曰：大射于曲臺。晉灼曰：天子射宮也。西京無太學，於此行禮也。

大小戴。孟卿傳。

梁戴德、延君戴聖、次君德號大戴，聖號小戴，皆受經于后蒼。由是禮有大戴小戴之學。

驪駒。王式傳五十八。

諸博士共薦王式，詔除下爲博士。式徵來，諸大夫博士共持酒肉勞式。江公世爲魯詩宗，心嫉式，謂歌

吹諸生曰：歌驪駒。式曰：聞之師客歌驪駒，主人歌客毋庸歸。今日諸君爲主人，日尚早，未可也。遂謝病免歸。

服虔曰：逸詩篇名也。見大戴禮。客欲去歌之。文穎曰：其辭云：驪駒在門，僕夫具存；驪駒在路，僕夫整駕也。客毋庸歸者，庸用也。主人禮未畢，且無用歸也。

鬼廷柏 東方朔傳三十五

東方朔曰柏者鬼廷也

師古曰言鬼神尙幽闕故以松柏之樹爲廷府也

真宅 楊王孫傳三十七

楊王孫病將死先令其子曰吾欲贏葬以反吾真且曰死者物之歸也精神者天之有也形骸者地之有也精神離形各歸其真夫裏以幣帛鬲以棺槨支體絡束口含玉石欲化不得鬱爲枯腊千載之後棺槨朽腐迺得歸土就其真宅遂贏葬

鋗笛 趙廣漢傳四十六 王溫舒傳六十

趙廣漢爲潁川太守先是潁川豪桀大姓相與爲婚姻吏俗朋黨漢患之出有案問故漏泄其語令相怨咎又教吏爲鋗笛及得投書削其主名而託以爲豪桀大姓子弟所言其後溫宗大族結爲仇讐姦黨散落風俗大改吏民相告訐廣漢得以爲耳目

蘇林曰鋗音項如餅可受投書孟康曰笛竹笛也如今官受密事笛也師古曰鋗若今盛錢藏瓶爲小孔可入而不可出或鋗或笛皆爲此制而用受書令投其中也笛音同王溫舒爲中尉少年投鋗購告言姦

負海 五行志七下之上

秦大用民力轉輸。起負海至北邊。負海猶言背海也。

隼。五行志。

師古曰。隼鳥。卽今之鴟也。鴟字音胡骨反。鴟與鵠同。

方制。地理志八上。

黃帝方制萬里。畫墾分州。得百里之國萬區。方制以爲方城也。

日夜食。五行志七下之下。李尋傳又注。

日夜食則無景。立六尺木。不見其景。以此爲候。

雒陽。地理志八下。

師古曰。魚豢云。漢火行忌水。故云洛水而加佳。如魚氏說。則光武已後改爲雒字也。

酒泉郡。地理志八下。

酒泉郡。武帝太初元年開。

應劭曰。其水若酒。故曰酒泉。師古曰。舊俗傳云。城下有金泉。味如酒。

古瓜州。地理志。

燉煌。古瓜州也。地生美瓜。

師古曰。卽春秋左氏傳。允姓之戎居于瓜州也。其地今猶出大瓜。長者。狹入瓜中食之。首尾不出。

靈州地理志

惠帝四年置有河奇苑號非苑

師古曰苑謂馬牧也水中可居者曰洲此池在河之洲隨水高下未嘗淪沒故號曰靈州又曰河奇也二苑皆在北焉

日南部地理志

故秦象郡武帝時更名屬交州

師古曰言在日之南所謂北戶以向日者

耐刑

高祖七年令郎中有罪耐已上請之

應劭曰輕罪不至于髡完其彫髮故曰耏古從彑髮之意也師古曰耏當音而耏謂頰旁毛也

屬高帝紀

屬毛若今駢及氍毹之類也屬居例反駢音曷氍毹音喻說文云氍毹襯綵之屬蓋方言也別注云屬織毛爲布者

略地高帝紀

凡言略地者皆謂行而取之用功力少

葭莩之故。王莽傳六十九。中山靖王傳二十三。

王莽上言曰。自諸侯王以下。至於吏民。咸知莽與陛下有葭莩。

中山靖王曰。今羣臣亦有葭莩之親。鴻毛之重。

晉灼曰。葭莩。裏之白皮也。師古曰。葭蘆也。莩者。其箒中白皮至薄者也。葭莩喻著。鴻毛喻輕薄甚也。前星五行志七下之下。

大辰。心也。心爲明堂。天子之象。又星傳曰。心。大星。天王也。其前星。太子也。後星。庶子也。

河源。西域傳六十六。張騫贊三十一。

西域傳河有兩源。一出葱嶺山。一出于闐。于闐在南山下。其河北流。與葱嶺河合。東注蒲昌海。蒲昌海一名蓋澤者也。去玉門陽關三百餘里。廣袤三百里。其水亭居。冬夏不增減。皆以爲潛行地下。南出於積石中國河。又張騫傳贊曰。禹本紀言河出昆侖山。高二千五百餘里。日月所相避隱爲光明也。自張騫使大夏之後。窮河源。惡睹所謂昆侖者乎。故言九州山川。尙書近之矣。至禹本紀山經所有。放哉。尙書曰。導河積石在金城河關。不言出崑崙也。是謂河源。出於積石。

會稽禹穴九疑。司馬遷傳三十二。司馬相如傳注。

司馬遷自敍曰。遷年十歲。則誦古文二十。而南游江淮。上會稽。探禹穴。窺九疑。

張晏曰。禹巡狩至會稽而崩。因葬焉。上有孔穴。民間云禹入此穴。師古曰。會稽山名。本茅山也。禹於

此會諸侯之計。因名會稽也。九疑山在零陵營道縣。舜所葬也。疑似也。山有九峯。其形相似。故曰九疑。

紫貝。相如傳。二十七上。

釣紫貝。郭璞曰。紫貝。紫質黑文也。師古曰。貝水中介蟲。古以爲貨也。

珊瑚。相如傳。

郭璞曰。珊瑚。生水底石邊。大者樹高二尺餘。枝格交錯。無有葉。

家徒四壁。相如傳。

相如居成都。家徒四壁立。

師古曰。徒空也。但有四壁。更無資產。

犢鼻。相如傳。

相如身自著犢鼻褲。

師古曰。卽今之松也。形似犢鼻。故以名云。松音之容反。

蜀徼。西南夷傳。六十五。

巴蜀西南外蠻夷諸侯。秦時頗置吏焉。秦滅漢興。皆棄此國。而關蜀故徼。

師古曰。西南之徼。猶北方塞也。徼音工釣反。張揖曰。徼。謂以木石水爲界者也。

請吏 一奇相如傳二十七下 西南夷傳

邛筭之君長聞南夷與漢通得賞賜多多欲願爲內臣妾請吏比南夷  
南夷君長以十數夜郎最大武帝時唐蒙往南粵食蜀枸醬問之知牂柯江出番禺城下歸上書說上  
曰竊聞夜郎所有精兵可得十萬浮船牂柯出不意此制粵一奇也

流離 西域傳六十六上

流離出罽賓國

師古曰魏略云大秦國出赤白黑黃青綠縹紺紅紫十種流離

變告 韓信傳四

師古曰凡言變告者謂告非常之事

持更 西域傳

杜欽說王鳳曰欲遣使報送罽賓國使斥候七百餘人五分夜擊刁斗自守

師古曰夜有五更故分而持之

附離 五行志七下之下

成帝時夜過中星墮谷永曰星辰附離于天猶庶民附離王者也王者失道下將叛去故星叛天而墮  
以見其象

監奴 霍光傳 三十八

霍光愛幸監奴馮子都常與計事。

師古曰監奴謂奴之監知家務者也。

甲令宣帝紀地節四年。後漢皇后紀十上。

文穎曰蕭何承秦法所作爲律令經是也。如淳曰令有先後故有令甲令乙令丙。師古曰甲乙者若今之第一第二篇耳。

後漢書向使設外戚之禁編著甲令改正后妃之制貽厥方來豈不休哉。  
試守 一切平帝紀元始元年。後漢齊武王續傳注。

平帝初即位詔二百石以上一切滿秩如真。

師古曰時諸官有試守者特加非常之恩令如真耳非凡除吏皆當試守也。一切者權時之事非經常也猶如以刀切物苟取整齊不顧長短縱橫故言一切他皆倣此。

後漢注云試守者稱職滿歲爲真。

昆明池 武帝紀元狩三年。

發謫吏穿昆明池。

臣瓊曰西南夷傳有越雋昆明國有滇池方三百里漢使求身毒國而爲昆明所閉今欲伐之故作

昆明池象之以習水戰在長安西南周回四十里食貨志又曰時越欲與漢用船戰遂乃大脩昆明池也師古曰謫吏吏有罪者罰而役之滇音顛居延武帝紀元狩二年

將軍去病出北地二千餘里過居延

師古曰居延匈奴中地名也

五屬國武帝紀

匈奴昆邪王殺休屠王并將其衆合四萬餘人來降置五屬國以處之以其地爲武威酒泉郡

師古曰昆音下門反屠音儲凡言屬國者存其國號而屬漢朝故曰屬國武威今涼州也酒泉今肅州也

詳延武帝紀元朔五年

詳延天下方聞之士咸薦諸朝

師古曰詳悉也延引也方道也聞博聞也言悉引有道博聞之士而進於朝也

鄼時郊祀志五上

時音止神靈之所止也秦文公夢黃蛇自天下屬地口止於鄼衍作鄼時祭白帝焉

李奇曰三輔謂山陵間爲峙

密畤郊祀志

作鄜畤後八十四年秦宣公作密畤於渭南祭青帝

吳陽上下畤郊祀志

自秦宣公作密畤後二百五十年而秦靈公於吳陽作上畤祭黃帝作下畤祭炎帝自未作鄜畤而雍旁故有吳陽武畤雍東有好畤皆廢無祀或曰自古以雍州積高神明之隩故立畤郊上帝諸神祠皆聚云又作吳陽上下畤後五十年櫟陽雨金秦獻公自以爲得金瑞故作畦畤櫟陽而祀白帝

師古曰畦畤者如種圭畦之形而於畦中各爲一土封也畦音下圭反

五畤郊祀志

諸祠唯雍四畤上帝爲尊高祖東擊項籍而還入關故秦時上帝祀何帝也對曰四帝有白青黃赤帝之祠高祖曰吾聞天有五帝而四何也莫知其說於是高祖曰吾知之矣待我而具五也乃立黑帝祠名曰北畤有司進祠上不親往至文帝始幸雍郊見五畤趙人新垣平以望氣見上言長安東北有神氣成五采若人冠冕焉宜立祠上帝以合符應於是作渭陽五帝廟帝一殿面五門各如其帝色祠所用及儀亦如雍五畤

木寓龍馬郊祀志

秦祠四畤每畤用木寓龍一駟木寓車馬一駟各如其帝色

李奇曰寓寄也。寄生龍形於木也。師古曰一闕亦四龍也。

三服官元帝紀

元初五年罷齊三服官。

李斐曰齊國舊有三服之官。春獻冠幘。緹爲首服。紩素爲冬服。輕綃爲夏服。凡三緹與纁同音。山爾反。

司馬門元帝紀

師古曰司馬門者宮之外門也。衛尉有八屯衛候司馬主衛士徼巡宿衛。每面各二司馬。故謂宮之外門爲司馬門。

項籍傳留司馬門三日。

師古曰凡言司馬門者宮垣之內兵衛所在。四面皆有司馬。司馬主武事。故總謂宮之外門爲司馬門。

後漢趙王乾居父喪白衣出司馬門。

注云諸侯王宮門有兵衛亦爲司馬門。

陽朔年成帝紀

河平四年山陽火生石中。明年改元爲陽朔。

師古曰。朔始也。以火生石中。言陽氣之始。  
微行成帝紀。

鴻嘉元年。上始爲微行出。

張晏曰。於後門出。從期門郎及私奴客十餘人。白衣組幘。單騎出入市里。不復警蹕。若微賤之所爲。故曰微行。

陵夷成帝紀。

帝王之道。日以陵夷。

師古曰。陵、邱陵也。夷、平也。言其頽替若邱陵之漸平也。又曰。陵遲亦如邱陵之逶迤。稍卑下也。客土成帝紀。

詔曰。昌陵作治五年。百姓罷勞。客土疏惡。終不可成。

服虔曰。取他處土以增高爲客土。

粉榆社郊祀志五上。

高祖禱豐粉榆社。

鄭氏曰。粉榆、鄉名也。社在粉榆。晉灼曰。粉、白榆也。社在豐東北十五里。師古曰。以此樹爲社神。因立名也。粉音符云反。

公社郊祀志

高祖分縣爲公社

李奇曰公社猶官社

官稷成帝紀

元始三年安漢公奏立官稷

師古曰初立官稷於官社之後是爲一處今更創置建於別所不相從也

櫬檮成帝紀河平四年

民爲水所流死不能自葬者令郡國給櫬檮葬埋

師古曰櫬檮謂小棺櫬音衛

米鹽黃霸傳五十九成宣傳

黃霸爲潁川太守爲政米鹽靡密初若煩碎

師古曰米鹽言雜而且細

咸宣爲左內史其治米鹽

銀黃三組楊僕傳六十

楊僕懷銀黃垂三組

師古曰銀銀印也黃金印也僕爲主爵都尉又爲樓船將軍并將梁侯三印故三組也組綬也

郎中令百官公卿表七上

郎中令秦官武帝更名光祿勳

臣瓚曰主郎內諸官故曰郎中令應劭曰光明也祿爵也勳功也

中郎將百官公卿表

中郎有五官左右三將秩皆比二千石

車戶騎三將百官公卿表

郎中有車戶騎三將秩皆比千石

如淳曰主車曰車郎主戶衛曰戶郎漢儀注左右車將主左右車郎左右戶將主左右戶郎

檻車陳餘傳二

貫高與趙王檻車詣長安

師古曰檻車者車而爲檻形謂以板四周之無所通見

絕亢陳餘傳

貫高絕亢而死

師古曰亢者總謂頸耳爾雅云卽喉嚨也音工郎反

沐猴項籍傳一

人謂楚人沐猴而冠。

張晏曰。沐猴獮猴也。師古曰。言雖著人衣冠。其心不類人也。

辟易項籍傳一

楊喜爲郎騎。追項羽。羽還叱之。喜人馬俱驚。辟易數里。

師古曰。辟易。謂開張而易其本處。辟音頻。亦反。

麗譙陳勝傳一

陳勝攻陳。戰譙門中。

師古曰。譙門謂門上爲高樓以望耳。樓一名譙。故謂美麗之樓爲麗譙。譙亦呼爲巢。所謂巢車者。亦於兵車之上爲樓以望敵也。譙巢聲相近。本一物也。

蒂芥相如傳二十七上 賈誼傳

吞若雲夢者八九。其於胷中。曾不蒂芥。

張揖曰。蒂芥、刺鯁也。賈誼傳注。師古曰。蒂芥、小鯁也。

攝弓相如傳二十七下

攝弓而馳。

師古曰。攝謂張弓注矢而持之也。攝女涉反。

騎置。西域傳六十六下。

事有便宜。因騎置以聞。

師古曰。騎置卽今之驛馬也。

斷匈奴左右臂。西域傳贊。後漢班超傳。

孝武之世。圖制匈奴。患其兼從西國。結黨南羌。迺表河曲列四郡。開玉門。通西域。以斷匈奴右臂。隔絕南羌月氏。單于失援。由是遠遁。而幕南無王庭。

後漢班超曰。先帝開西域。議者皆曰。取三十六國。號爲斷匈奴右臂。

注云。哀帝時劉歆上議曰。武帝時立五屬國。起朔方。伐朝鮮。起玄菟、樂浪。以斷匈奴之左臂。西伐大宛。結烏孫。裂匈奴之右臂。南面以西爲右也。

分陝。王莽傳六十九中。

王莽時分陝立二伯。

師古曰。分陝者。欲依周公、召公故事。自陝以東。周公主之。自陝以西。召公主之。

甌脫。匈奴傳六十四上。

東胡使使謂冒頓曰。匈奴所與我界。甌脫外棄地。匈奴不能至也。吾欲有之。

服虔曰甌脫作土室。胡兒所作以候漢也。師古曰境上候望之處。若今之伏宿舍也。甌音一侯反。脫音土活反。

威斗。王莽傳六十九下。

王莽親之南郊鑄作威斗。威斗者以五石銅爲之。長二尺五寸。以厭勝衆兵既成。令司命負之。莽出在前。入在御旁。

李奇曰以五色藥石及銅爲之。師古曰若今作鑰石之爲。

跋行喙息。匈奴傳。

上及飛鳥跋行喙息蠻動之類。

師古曰跋行凡有足而行者也。喙息凡以口出氣者也。跋音岐。喙音許穢反。蠻音人堯反。

豬其宮室。王莽傳六十九上。

古者畔逆之國既已誅討。則豬其宮室。以爲汙池。納垢濁焉。名曰凶虛。雖生菜茹而人不食。

李奇曰掘其宮以爲池。用貯水也。師古曰豬謂畜水汙下也。汙音烏所食之菜曰茹。

盱衡。王莽傳。

盱衡厲色振揚武怒。

孟康曰眉上曰衡。盱衡舉揚目也。

校司馬南粵王傳六十五

伏波將軍路博德討南粵。而南粵王趙建德亡入海。伏波遣人追。故其校司馬蘇弘得建德。

師古曰。校之司馬。若今之行軍總管司馬也。

受降城。匈奴傳。李陵傳二十四。

單于年少好煞伐。左大都尉使人閒告漢曰。我欲殺單于降漢。漢聞此言。故築受降城。

李陵傳注。師古曰。受降城。公孫敖所築。



# 兩漢博聞卷第六

龍樓成帝紀十

成帝爲太子初居桂宮上嘗急召太子出龍樓門

師古曰三輔黃圖桂宮在城中近北宮非太子宮張晏曰樓上有銅龍若白鶴飛廉之爲名也

枸醬西南夷傳六十五

唐蒙使南粵食蒙蜀枸醬蒙問所從來曰道西北牂柯江江廣數里出番禺城下蒙歸至長安問蜀賈人獨蜀出枸醬多持竊出市夜郎夜郎者臨牂柯江江廣百餘步足以行船南粵以財物役屬夜郎然亦不能臣使也

晉灼曰枸音矩師古曰子形如桑椹耳綠木而生非樹也味尤辛不酢今宕渠則有之食讀曰飲舉白敘傳七十上

引滿舉白

師古曰引取滿觴而飲飲訖舉觴告白盡不也一說白者罰爵之名也飲有不盡者則以此爵罰之魏文侯與大夫飲酒令曰不酬者浮以大白於是公乘不仁舉白浮君是也

自繆孝成趙皇后傳

鄭氏曰自縊也。師古曰繆綾也。居虬反。

戲載。匈奴傳六十四下。

漢賜孝單于戲載十。

師古曰戲載有旗之載也。戲許宜反。又音麌。

清狂。昌邑王傳三十三。

昌邑王清狂不惠。

蘇林曰凡狂者陰陽脉盡濁今此人不狂似狂者故言清狂也或曰色理清徐而心不慧曰清狂清狂如今白癡也。

著令。吳芮傳四。

高祖封吳芮長沙王制詔御史長沙王忠其定著令。

鄧展曰漢約非劉氏不王而芮王故著令中使將王也或曰以芮至忠故著令也故贊云著于甲令而稱忠也。

支庶。吳芮傳。

孝惠高后時封吳芮庶子二人爲列侯故贊云慶流支庶有以矣夫。

樵蘇。韓信傳四。

樵蘇後爨師不宿飽。

師古曰樵取薪也蘇取草也小雅白華之詩云樵彼束薪食采楊雄傳五十七上刑法志三

楊雄其先出自有周伯僑者以支庶初食采於晉之楊因氏焉楊在河汾之間師古曰采官也以官受地謂之采地應劭曰左傳云霍楊韓魏皆姬姓也刑法志注師古曰因官食地故曰采地

三輔號爲卿王尊傳四十六

如淳曰三輔皆秩中二千石號爲卿也

迹射士王尊傳

校尉傅剛將迹射士千人逐捕南山羣盜

師古曰迹射言能尋跡而射取之也射食亦反

布鼓王尊傳

王尊曰毋持布鼓過雷門

師古曰雷門會稽城門也有大鼓越擊此鼓聲聞洛陽布鼓謂以布爲鼓故無聲

柱後惠文張敞傳四十六

應劭曰柱後以鐵爲柱今法冠是也一名惠文冠晉灼曰漢柱法冠也一號柱後惠文以纏裹鐵柱卷秦制執法服今御史服之謂之獬豸一角今冠兩角以獬豸爲名耳纏卽今方目紗也纏山爾反卷去權反

榜掠孫寶傳四十七 後漢陳寵傳附

師古曰榜掠謂笞擊而考問之也榜音彭

陳寵曰獄者急於箠格酷烈之痛

注云榜卽榜也古字通用格擊也又陳萬年傳下獄掠治注云掠擊也力向反

抱弩負蘭韓延傳四十六

如淳曰蘭盛弩箭菔也師古曰鞬鍪卽兜鍪也蘭盛弩矢者也其形如木桶鞬丁奚反鍪莫侯反

雞卜郊祀志五下

立粵祠而以雞卜

李奇曰持雞骨卜如鼠卜

挺身逃劉屈釐傳三十六

師古曰挺引也獨引身而逃難

傅會爰益贊十九

爰盎雖不好學，亦善傳會。

張晏曰：因宜附著合會之。

衣褐。張良傳

師古曰：褐製若裘。今道士所服者是。

禁錢。賈捐之傳五十四下

賈捐之曰：往者暴師曾未一年，費四十餘萬。大司農錢盡，乃以少府禁錢續之。

師古曰：少府錢主供天子，故曰禁錢。

浩穰。張敞傳四十六

長安中浩穰於三輔尤爲劇。

師古曰：浩大也。穰盛也。言人衆之多也。穰人掌反。

清閒之燕。蔡義傳三十六

蔡義上疏曰：願賜清閒之燕。得盡精思於前。上召見說詩甚說之。

師古曰：燕安息也。閒讀曰閑。

扼虎。命中。李陵傳二十四

力扼虎射命中。

師古曰扼謂捉持之也命中者所指名處卽中之也。

儲備

除舍孫寶傳四十七 後漢肅宗紀

御史大夫張忠辟孫寶爲屬欲令授子經更爲除舍設儲備。

師古曰除爲修飾掃除也設儲備謂豫備器物也備文紀反。

後漢書云南巡狩詔所經道一郡縣無得設儲時。

注云儲積也時具也言不預有蓄備。

擿缺孫寶傳

傅太后怒曰帝置司隸使擿缺以揚我惡我當坐之。

師古曰擿缺謂挑發之擿他歷反缺音決。

以日易月文帝紀後六年

文帝遺詔曰服大紅十五日小紅十四日纖七日釋服。

服虔曰皆當言大功小功布也纖細布衣也應劭曰紅者中祥大祥以爲領緣纖者禫也凡三十六日而釋服矣此以日易月也晉灼曰漢書例以紅爲功也師古曰紅與功同服晉二說是也此喪制者文帝自率己意創而爲之非有取於周禮也何爲以日易月乎三年之喪其實二十七月豈有三十六月之文禫又無七月也應氏旣失之於前而近代學者因循謬說未之思也。

檼柳胡桐白草·西域傳六十六上

樓蘭國出玉多葭葦檼柳胡桐白草。

注云孟康曰白草草之白者胡桐似桑而多曲師古曰檼柳河柳也今謂之赤檼白草似莠而細無芒其乾熟時正白色牛馬所嗜也胡桐亦似桐不類桑也蟲食其樹而沫出下流者俗名爲胡桐淚言似眼淚也可以汗金銀工匠用之流俗訛呼淚爲律檼丑成反

臧纊食貨志四下

萬室之邑必有萬鍾之臧臧纊千萬千室之邑必有千鍾之臧臧纊百萬春以奉耕夏以奉耘耒耜器械種餽糧食必有取澹焉故大賈畜家不得豪奪吾民矣

孟康曰六斛四斗爲鍾纊錢貫也餹與餉同謂餉田之具也

都護 督察西域傳

日逐王畔單于將衆來降護鄯善以西使者鄭吉迎之既至漢封日逐王爲歸德侯吉爲安遠侯因使吉并護北道故號曰都護都護之起自吉置矣都護督察烏孫康居諸外國

師古曰都猶總也言總護南北之道督視也

單于文帝紀匈奴傳六十四上

單于者廣大之貌也言其象天單于然也

師古曰。單于匈奴天子之號。單音蟬。

突門。後漢寶融傳附。

注云。突門。守城之門。墨子曰。城百步爲一突門也。

日者。高帝紀。

師古曰。日者猶往日也。

倒縣。賈誼傳十八。

賈誼曰。天下之軌方倒縣。凡天子者。天下之首。何也。上也。蠻夷者。天下之足。何也。下也。今匈奴嫚媢侵掠。至不敬也。而漢歲致金絮采繪以奉之。夷狄徵令是主上之操也。天子供貢是臣下之禮也。足反居上。首顧居下。倒縣如此。莫之能解。猶爲國有人乎。

碑碣。後漢寶憲傳附。

封神邱兮建隆嶠。

注云。神邱。卽燕然山也。方者謂之碑。圓者謂之碣。嶠亦碣也。其例反。

雕項籍傳一。

羽駿馬名。

師古曰。蒼白雜毛曰駿。蓋以其色名之。

贈行 段會宗傳四十

朋友以言贈行。

師古曰。贈行。謂將別相贈也。

炳管蕭禮樂志二 郊祀歌

李奇曰。管腸、聞脂也。蕭、香蒿也。師古曰。以蕭炳脂合馨香也。管來彫反炳人說反。柘漿、禮樂志樂府歌。

泰尊柘漿析朝醒。

應劭曰。柘漿取其柘汁以爲飲也。醒病酒也。析解也。

贅壻 賈誼傳十八

秦人家富子壯則出分家貧子壯則出贅。

應劭曰。出則贅壻也。師古曰。謂之贅壻者。言其不當出妻家。亦猶人身之有膀胱。非應所有也。贅之銳反。分扶問反。

隊帥 爰益傳十九

如淳曰。隊帥軍中小官。

請室 賈誼傳 爰益傳

賈誼曰大臣有臯白冠釐纓盤水加劍造請室而請臯耳。

應劭曰請臯之室蘇林曰車駕出有請室令在前先驅此官有別獄也如淳曰水性平若已有正罪君以平法治之也加劍當以自刎也或曰殺牲者以盤水取頸血故示若此也爰盎傳云人上書告絳侯反時絳侯已就國徵繫請室

師古曰請室獄也

兩宮王莽傳六十九上

師古曰兩宮謂成帝及太后也

祖有功景帝紀

詔曰古者祖有功而宗有德

師古曰祖始也始受命也宗尊也有德可尊

天郊成帝紀建始二年

應劭曰天郊在長安城南地郊在長安城北

款塞宣帝紀本始二年

百蠻鄉風款塞來享

應劭曰款叩也皆叩塞門來服從也

什器平帝紀

師古曰。軍法。五人爲伍。二伍爲什。則共其器物。故通謂生生之具爲什器。亦猶今之從軍及作役者。十人爲火。共畜調度也。

除保父母同產令元帝紀

初元五年。詔除光祿大夫已下至郎中保父母同產之令。

應劭曰。舊時相保。一人有過。皆當坐之。師古曰。特爲郎中已上除此。今者所以優之也。同產謂兄弟也。

給事宮司馬中元帝紀

元帝詔。今從官給事宮司馬中者。得爲大父母、父母兄弟通籍。

應劭曰。司馬中者。宮內門也。司馬主武兵禁之意也。籍者。爲二尺竹牒。記其年紀名字物色。縣之宮門案省相應。乃得入也。師古曰。從官親近天子。常侍從者皆是也。

四輔谷永傳五十五

師古曰。四輔謂左輔、右弼、前疑、後丞也。

瞽說谷永傳

聽晦昧之瞽說。

師古曰。瞽說言不中道。若無目之人也。曠與暗同。

小學杜鄴傳五十五。

杜鄴初從張吉學。吉子竦。又幼孤。從鄴學問。亦著於世。尤長小學。鄴子林。清靜好古。亦有雅才。其正文字過於鄴竦。故世言小學者由杜公。

師古曰。小學謂文字之學也。周禮八歲入小學。保氏教國子以六書。故因名云。藝文志載小學十家三十五篇。

首歲蕭望之傳四十八。

師古曰。首歲歲之初。首謂正月也。

下走蕭望之傳。

應劭曰。下走僕也。師古曰。下走者。自謙言趨走之役也。又司馬遷報任少卿書曰。太史公牛馬走。注云。言已爲太史公掌牛馬之僕。自謙之辭也。出文選。

望舒楊雄傳五十七。

望舒彌轡。

師古曰。望舒。月御也。彌斂也。言天子之車。斂轡徐行。故假望舒爲言耳。結轍。文帝紀後二年。

使者冠蓋相望。結轍於道。

韋昭曰。使車往還。故轍如結也。

膠葛。

解難云。獨不見夫翠虯絳螭之將登虛天。不階浮雲。翼疾風。虛舉而上升。則不能撼膠葛。騰九閨。

師古曰。撼、揭也。膠葛。上清之氣也。九閨。九天之門。撼音乾。揭居足反。

又甘泉賦。齊擣擣其相膠葛兮。

師古曰。膠葛猶言膠加也。

獫人。楊雄傳

獫人亡。則匠石輟斤。而不敢妄斲。

服虔曰。獫。古之善塗墻者也。施廣領大袖以仰塗。而領袖不汙。有小飛泥。誤著鼻。因令匠石揮斤而斲之。知石之善斲。故敢使之也。師古曰。獫。拭拭也。故謂塗者爲獫人。獫。乃高反。

琴徽。楊雄傳

師古曰。徽。琴徽也。所以表發撫抑之處也。

三宮。王嘉傳五十六。

師古曰。三宮。天子、太后、皇后也。

立樂府。

武帝定郊祀之禮。祠太一於甘泉。祭后土於汾陰。乃立樂府。采詩夜誦。以李延年爲協律都尉。多舉司馬相如等數十人。造爲詩賦。略論律呂。以合八章之調。作十九章之歌。以正月上辛用事甘泉圓邱。使童男女七十人俱歌。昏祠至明。夜常有神光如流星。止集于祠壇。天子自竹宮而望拜。

師古曰。樂府之名。蓋起於此。韋昭曰。竹宮以竹爲宮也。師古曰。采詩夜誦者。其言辭或祕不可宣露。故於夜中歌誦也。

百賈。王嘉傳。

師古曰。賈謂販賣之人也。

案脉。王嘉傳。

師古曰。案脉爲切脉也。

厭衆意。王莽傳。

莽欲厭衆意。

師古曰。厭滿也。一豔反。

雅拜。何武傳五十六。

何武爲京兆尹。坐舉方正。所舉者召見。槃辟雅拜。有司以爲詭衆虛僞。武坐左遷楚內史。

服虔曰行禮容拜也師古曰槃辟猶槃旋也辟音闢詭遠也

昆雞司馬相如傳二十七上

張揖曰昆雞似鶴黃白色

靈鼶相如傳

樹靈鼶之鼓

師古曰以鼶皮爲鼓

釋蹠王襄傳三十四下

離疏釋蹠而享膏梁

應劭曰離此蔬食釋此木蹠也師古曰蹠卽鞋也居略反史記虞卿蹠蹠擔簦說趙注云蹠草履也  
襄成君孔光傳五十一

孔霸以選授太子經元帝卽位徵霸以師賜爵關內侯食邑八百戶號襄成君

如淳曰爲帝師教令成就故曰襄成君

尺二牘匈奴傳六十四上

漢遺單于書以尺二牘中行說令單于以尺二寸牘及印封皆令廣長大倨齯其辭以答漢漢遣中行說使匈奴而說不欲行漢強使之說遂降匈奴不歸

高訾貨殖傳六十一

丹、王君房、樊少翁、王孫大卿爲天下高訾。

師古曰。王君房賣丹。樊少翁及王孫大卿賣豉。亦致高訾。訾讀與資同。  
力政游俠傳六十二。五行志七中之下。

戰國合從連衡。力政爭疆。

師古曰。力政者。棄背禮義。專任威力也。

天子微弱。諸侯力政。

師古曰。政亦征也。言專以武力相征討。

酇。郭解傳六十二。

郭解姪子負解之勢。與人飲使之酇。非其任。彊灌之人怒。刺殺解姪子。

師古曰。盡爵曰酇。其人不飲而使盡爵。乃強灌之。故怨怒也。酇子笑反。

內朝外朝。劉輔傳四十七。

劉輔上書直諫。收繫庭祕獄。於是中朝左將軍辛慶忌。右將軍廉袁。光祿勳師丹。太中大夫谷永。俱上

書諫。得減死罪一等。

孟康曰。中朝。內朝也。大司馬。左右前後將軍。侍中。常侍。散騎。諸吏爲中朝。丞相以下至六百石爲外。

朝也。

傳漏董賢傳六十三。

董賢傳漏在殿上。

師古曰傳漏奏時刻也。

梁肉。霍去病傳二十五。食貨志四上。

師古曰梁粟類也。米之善者。食貨志曰。梁好粟也。卽今之粱米也。特將去病傳。張良傳十。

衛青家爲特將者十五人。

師古曰特將謂獨別爲將而出征也。

高帝時魏王豹反使韓信特將北擊之。

師古曰特獨也專任之使將也。

渾殺。董仲舒傳二十六。

賢不肖渾殺。

注云殺雜也。

邊穀。劉夙楚傳三十六。

如淳曰成邊卒糧也。

車丞相車千秋傳三十六。

秋本姓田氏爲丞相年老上優之朝見得乘小車入宮殿因號曰車丞相。  
譙讓高帝紀

樊噲譙讓項羽。

師古曰譙責也才笑反。

月蝕日域楊雄傳五十七下。

長楊賦西厭月蝕東震日域。

服虔曰蝕音窟穴之窟月蝕月所生也師古曰日域日初出之處也。

廉問高帝紀五年

高帝詔曰且廉問有不如吾詔者以重論之。

師古曰廉察也。

詔高帝紀

如淳曰詔告也自秦漢以下唯天子獨稱之。

梟騎高帝紀

項羽未平北貉燕人來致梟騎助漢

應劭曰北貉國也梟健也張晏曰梟勇也若六博之梟也師古曰貉在東北方三韓之屬皆貉類也莫客反

兜離後漢董祀妻傳附

言兜離兮狀窈停

注云兜離匈奴言語之貌

二斬後漢曹世叔妻傳附

禮夫有再娶之義婦無二適之文故曰夫者天也

注云儀禮曰父在爲母何以朞至尊在不敢伸也父必三年而後娶達子志也夫者妻之天也婦人不二斬者猶曰不二天也

比落蒙全後漢姜詩傳附

姜詩至孝赤眉賊經詩里弛兵而過曰驚大孝必觸鬼神時歲荒賊乃遺詩米肉受而埋之比落蒙其安全

注云比近也落藩也

楚歌高帝紀

漢圍項羽於垓下。羽夜聞漢軍四面皆楚歌。知盡得楚地。

應劭曰。楚歌者。雞鳴歌也。漢已略得其地。故楚歌者。多雞鳴時歌也。師古曰。楚歌者爲楚人之歌。猶言吳歛越吟耳。若以雞鳴爲歌曲之名。於理則可。不得云雞鳴時也。高祖令戚夫人楚舞。自爲作楚歌。豈亦雞鳴時乎。

顧山錢 平帝紀元始元年。

平帝詔天下女徒已論歸家。顧山錢月三百。

如淳曰。已論者罪已定也。令甲女子犯罪。作如徒。六月顧山遣歸。一說以爲當於山伐木。聽使入錢顧工直。故謂之顧山。應劭曰。舊刑鬼薪。取薪於山以給宗廟。今使女徒出錢顧薪。故曰顧山也。師古曰。如說近之。論女徒論罪已定。並放歸家。不親役之。但令一月出錢三百以顧人也。爲此恩者。所以行太后之德。施惠政於婦人。

體貌大臣 賈誼傳十八

體貌大臣而厲其節也。

師古曰。體貌謂加禮容而敬之也。

官師 賈誼傳

官師小吏

師古曰官師一官之長也。

粟紅腐賈捐之傳三十四下。

太倉之粟紅腐而不可食。

師古曰粟久腐壞則色紅赤也。

上東門賈誼傳。

雒陽上東門。

師古曰東面最北門曰上東門。

跡前事賈誼傳。

臣竊跡前事。

師古曰尋前事之蹤跡也。

無狀子杜欽傳三十。

紅陽侯與杜業書曰誠衰老姊垂白隨然狀子出關。

師古曰無狀猶言不肖也。

排擠杜欽傳。

排擠英俊。

師古曰墮墜也。

橐佗匈奴傳六十四上

師古曰橐佗言能負橐囊而駄物也。  
刑名元帝紀

宣帝所用多文法吏以刑名繩下。

師古曰劉向別錄云申子學號刑名刑名者以名責實尊君卑臣崇上抑下宣帝好觀其君臣篇繩謂彈治之耳。

戚里萬石君傳十六

師古曰於上有姻戚者皆居之故名其里爲戚里。

廷見萬石君傳

石建奏事於上前卽有可言屏人乃言極切至廷見如不能言者。

師古曰廷見謂當朝而見時。

議格文三王傳十七

大臣及爰盎等有所關說於帝太后議格。

蘇林曰音閣

魁岸江充傳十五

爲人魁岸

師古曰魁大也岸者有廉棱如崖岸之形  
微諫伍被傳十五

師古曰私諫之也

假吏蘇武傳二十四

蘇武使匈奴有假吏常惠等

師古曰假吏猶言兼吏也時權爲使之吏若今差人充使典矣  
宦吏外戚傳六十七下

師古曰宦吏謂奄人也

循江上西南夷傳六十五

將兵循江上

師古曰循順也謂緣江而上也



# 兩漢博聞卷第七

阿房賈山傳

秦爲阿房之殿

師古曰。阿房者。言殿之四阿皆爲房也。一說。大陵曰。阿。言其殿高。若於阿上爲房也。

章帶賈山傳

布衣章帶之士

師古曰。章帶以單章爲帶。無飾也。

弧弓韓安國傳二十二

弧弓射獵

師古曰。以木曰弧。以角曰弓。

魯縞韓安國傳

彊弩之末力不能入魯縞

師古曰。縞素也。曲阜之地。俗善作之。尤爲輕細。故以取喻也。

劙上賈山傳贊二十一

賈山自下廁上卒免刑戮者以其言正也。

孟康曰廁上者謂剗切之也蘇林曰廁音摩厲也師古曰剗工來反。

齧鯉王莽傳三十四下

孟康曰良馬低頭口至齧故曰齧鯉。

幺麼敍傳七十上

勇如信布彊如項籍威如王莽然卒潤鎌伏鎖亨醢分裂又況幺麼尙不及數子。

師古曰幺麼皆微之稱也幺一堯反麼莫可反。

北叟

北叟頗識其倚伏

丹青之信王莽傳

明告以生活丹青之信

師古曰生活謂來降者不殺之也丹青之信言明著也。

渾元敍傳

渾元運物

師古曰渾元天地之氣也。

椒除王莽傳

羣臣扶掖王莽自前殿南下椒除

服虔曰除殿陛之道也椒取芬香之名也

秦中婁敬傳

師古曰秦中謂關中故秦地也

東箱周昌傳十二

呂后側耳於東箱聽

師古曰正寢之東西室皆曰箱言似箱篋之形

大奴昌邑哀王傳

師古曰凡言大奴者謂奴之尤長大者也

南北軍

七校刑法志三

漢初天下既定踵秦置材官於郡國京師有南北軍之屯至武帝平百粵內增七校外有樓船皆歲時講肄脩武備云

晉灼曰百官表中壘屯騎步兵越騎長水胡騎射聲虎賁凡八校尉胡騎不常置故此言七也

飲泣賈捐之傳三十四下

飲泣巷哭。

師古曰。淚流被面。以入於口。故言飲泣也。

提封。

東方朔傳三十五。

整屋以東。宜春以西。提封頃畝。及其賈直。

師古曰。提封謂提舉四封之內。總計其數也。

桓褐貢禹博四十二。

桓褐不完。

師古曰。桓者。謂僮豎所著布長襦也。褐。毛布之衣也。桓音豎。

顓門。

夏侯勝傳四十五。

夏侯建者。勝之從父子也。師事勝。勝非建章句小儒。破碎大道。建亦非勝爲學疏略。難以應敵。建卒自

顓門。

社木。眭弘傳四十五。

師古曰。社木。社主之樹也。

菜色。翼奉傳四十五。

百姓菜色。

師古曰人專食菜故肌膚青黃爲菜色也

伏歷李尋傳四十五

馬不伏歷不可以趨道

師古曰伏歷謂伏槽歷而秣之也

壺奧敍傳七

究先聖之壺奧

應劭曰宮中門謂之闌宮中巷謂之壺苦本反

牛衣王章傳四十六

師古曰牛衣編亂麻爲之卽今俗呼爲龍具者

蹂躪王商傳

百姓奔走相蹂躪訛言大水至也

師古曰蹂踐也蹣跚也蹂人九反蹣音蘭

文毋害蕭何傳九

蕭何以文毋害爲沛主吏掾

蘇林曰無害言無比也一曰害勝也無能勝害之者晉灼曰酷吏傳趙禹爲丞相亞夫吏府中皆稱

其廉然亞夫不任曰極知禹無害然文深不可以居大府蘇說是也師古曰害傷也無人能傷害之者蘇晉兩說皆得其意

豪吏曹參傳九

蕭何曹參並爲縣之豪吏

師古曰言爲吏之豪長也

梟首高帝紀四年

漢王西入關梟故塞王欣頭櫟陽市

師古曰梟縣首於木上

啗秦將高帝紀秦三年

漢王使酈食其陸賈往說秦將啗以利秦將果欲連和

師古曰啗者以食餒人令其啗食徒濫反今言以利誘之取食爲譬

甚亡謂也高帝紀

師古曰亡謂者失於事宜不可以訓

七大夫高帝紀

高帝詔曰七大夫以上皆令食邑

臣瓊曰秦制列侯乃得食邑今七大夫以上皆食邑所以寵之也師古曰七大夫公大夫也爵第七故謂之七大夫

省中昭帝紀

昭帝八歲卽位帝姊鄂邑公主益湯沐邑爲長公主共養省中

師古曰以供養天子故益邑也伏儼曰蔡邕云本爲禁中門閭有禁非侍御之臣不得妄入行道豹尾中亦爲禁中孝元皇后父名禁避之故曰省中師古曰省察也言入此中皆當察視不可妄也海丞果丞平帝紀

元始元年置少府海丞果丞各一人

師古曰海丞主海稅果丞掌諸果實也

輶獵車宣帝紀

霍光廢昌邑王太僕以輶獵車奉迎曾孫是爲宣帝嗣昭帝後

文穎曰輶獵小車前有曲輿不衣也近世謂之輶獵車李奇曰蘭輿輕車也是時未備天子車駕故且取其輕便爾

疇其爵邑宣帝紀地節二年

霍光薨詔曰大將軍功德茂盛朕甚嘉之復其後世疇其爵邑世世毋有所與

張晏曰。律非始封。十減二疇者等也。言不復減也。師古曰。與讀曰豫。年號武帝紀。

武帝卽位。年號建元元年。

師古曰。自古帝王未有年號始起於此。

大要。陳萬年傳三十六

陳咸謂其父曰。具曉所言大要教咸謫也。

師古曰。大要大歸也。

射聲。百官公卿表七上

射聲校尉掌待詔射聲士。

服虔曰。工射者也。冥冥中聞聲則中之。因以名也。應劭曰。須詔所命而射。故曰待詔射也。

大長秋。百官公卿表

師古曰。秋者。秋成之時。長者。恆久之義。故以爲皇后官名。景帝時置皇后卿也。

長信少府。百官公卿表

長信詹事掌皇太后宮。景帝更名長信少府。

張晏曰。以太后所居宮爲名也。居長信宮。則曰長信少府。居長樂宮。則曰長樂少府也。

塊然陳湯傳四十

師古曰塊然獨處之意如土塊也

廉上趙充國傳三十九

辛武賢擊罕羌入鮮水北句廉上

服虔曰句音鉤師古曰句廉謂水岸曲而有廉棱也

侔馬趙充國傳

趙充國上屯田奏曰至四月草生發郡騎及屬國胡騎伉健各千侔馬什二就草爲田者遊兵

師古曰侔副也什二者千騎則與副馬二百匹也伉口浪反

薦草趙充國傳

今虜亡其美地薦草

師古曰薦稠草也

刺舟王莽傳六十九下

師古曰櫟所以刺舟也

班轍敍傳七十上

班轍摧巧於斧斤

師古曰班輸卽魯公輸班也。一說班魯班也。與公輸氏爲二人也。皆有巧藝也。故樂府云誰能爲此器公輸與魯班。摧專也。一曰競也。摧音角。

鴟雀黃霸傳五十九

京兆尹張敞舍鴟雀飛集丞相府

師古曰此鴟音芬本作鴟此通用耳。鴟雀大而色青出羌中非武賁所著。武賁鴟者色黑出上黨以其鬪死不止故用其尾飾武臣首云今時俗人所謂鴟雞者也。音曷非此鴟雀也。

胥靡楚元王傳六部署高帝紀

楚王戊淫暴申公白生二人諫不聽胥靡之。

晉灼曰胥相也靡隨也。師古曰聯繫使相隨而服役之故謂之胥靡猶今之役囚徒以鎖聯綴耳。

部署高帝紀

漢王引兵東定三秦部署諸將

師古曰分部而署置

屬吏昌邑哀王傳三十三

昌邑王賀徵入嗣位過弘農使大奴善以衣車載女子至湖郎中令龔遂入問賀賀曰無有遂曰卽無有何愛一善以毀行義請收以湔灑大王卽捽善屬衛士長行法

師古曰以善付吏也屬之欲反澆滌也澆灌也澆子顛反灑先禮反捽持頭也衛士長主衛之官捽才兀反

博望苑武五子傳三十三

武帝爲戾太子立博望苑使通賓客

師古曰取其廣博觀望也

祿祝武五子傳

武帝年二十九乃得太子甚喜爲立祿使東方朔枚皋作祿祝

師古曰祿求子之神也禮月令祀于高祿是也令朔等作祝祿之辭

少府私府路溫舒傳二十二

路溫舒遷廣陽私府長

師古曰藏錢之府天子曰少府諸侯曰私府長者其官之長也

厄三七之間路溫舒傳谷水傳五十五

路溫舒從祖父受歷數天文以爲漢厄三七之間

張晏曰三七二百一十歲也自漢初至哀帝元年二百一年也至平帝崩二百十一年成帝時谷永曰陛下承八世之功業當陽數之標準涉三七之節紀直百六之災厄

孟康曰。陽九之末季也。至平帝乃三七二百一十歲之厄。今已涉向其節紀。師古曰。直當也。

土著張騫傳三十三。

身毒國在大夏東南。可數千里。其俗土著。

鄧展曰。毒音篤。李奇曰。一名天篤。卽浮屠胡是也。師古曰。卽敬佛道者也。土著者。謂有城郭常居。不隨畜牧移徙也。著直略反。西南夷傳。身毒國卽天竺國也。

不得月支要領張騫傳

張騫至大月支。留歲餘。還不得月支要領。

師古曰。要衣要也。領衣領也。凡持衣者。執要與領。言騫不得月支意趣。無以持歸漢。故以爲喻。要一遙反。

先容鄒陽傳二十一。

蟠木根柢。輪囷離奇。而爲萬乘器者。以左右先爲之容也。

師古曰。蟠木屈曲之木也。萬乘器者。天子車輿之屬也。容謂彫刻加飾。

七首鄒陽傳

七首竊發。

師古曰。七首短劖也。其首類七。便於用也。

寥廓之士。鄒陽傳。

師古曰。寥廓。遠大之度也。

糒食。司馬遷傳。

糒槧之食。

服虔曰。糒。粗米也。一斛粟七斗米爲糒。音賴。師古曰。食飯也。

杜陵男子。蕭育傳四十八。後漢楊彪傳四十四。

蕭育爲茂陵令。扶風怒曰。召諸後曹。當以職事對。育徑出。曹佐隨奉。育案佩刀曰。蕭育杜陵男子。何詣曹也。

如淳曰。賊曹。法曹。皆後曹也。師古曰。欲以職事責之也。自言欲免官而去。但是杜陵一白衣男子耳。何須召我詣曹乎。

後漢。曹操欲殺楊彪。孔融謂操曰。今橫殺無辜。海內觀聽。誰不解體。孔融魯國男子。明日便當拂衣而去。

押至。息夫躬傳十五。

軍書交馳而輻湊。羽檄重迹而押至。

師古曰。押至。言相因而至也。

侵牟。李廣利傳三十一。

將吏侵牟之。

師古曰。侵牟。言如牟賊之食苗也。

質木。地理志八下。

民俗質。

師古曰。質木者。無有文飾。如木石然。

虎牢。地理志八上。

成皋注云。故虎牢。或曰制。師古曰。穆天子傳云。七萃之士生捕獸。卽獻天子。天子畜之東號。號曰獸牢。

句吳。于越。地理志八下。

師古曰。句音鉤。夷俗語之發聲也。亦猶越爲于越耳。

勃碣。地理志武帝紀元封元年注。

勃碣之間。一都會也。

師古曰。薊縣燕之所都也。勃勃海也。碣碣石也。此石著海旁。碣碣然特立之貌也。

三楚高帝紀。

項羽自立爲西楚霸王。

孟康曰舊名江陵爲南楚吳爲東楚彭城爲西楚。  
罘罳文帝紀七年。

未央宮東闕罘罳災。

如淳曰東闕與其兩旁罘罳皆災也晉灼曰東闕之罘罳獨災也師古曰罘罳謂連闕曲閣也以覆重刻垣墉之處其形罘罳然一曰屏也罘罳浮五行志注云罘罳闕之屏也。

卽拜趙充國傳三十九

上迺拜樂成侯許延壽爲強弩將軍卽拜酒泉太守武賢爲破羌將軍。

師古曰卽就也就其郡而拜之。

三始鮑宣傳四十二

如淳曰正月一日爲歲之朝月之朝日之朝始由朝也。

蕭然食貨志四下

江淮之間蕭然煩費矣。

師古曰蕭然猶騷然勞動之貌。

子母錢食貨志。

周景王時患錢輕更鑄大錢單穆公曰不可古者量資幣權輕重以救民民患輕則爲之作重幣以行之於是母權子而行民皆得焉若不堪重則多作輕而行之亦不廢重於是子權母而行小大利之今王廢輕而作重民失其資能無匱乎

應劭曰母重也其大倍故爲母也子輕也其輕少半故爲子也民患幣之輕而物貴爲重幣以平之權時而行以廢其輕故曰母權子猶言重權輕也民皆得者本末有無皆得其利也孟康曰重爲母輕爲子若市八十錢物以母當五十以子當三十續之民患幣重則多作輕錢而行之亦不廢去重者言重者行其貴輕者行其賤也

腹非  
食貨志

張湯奏當異九卿見令不便不入言而腹非論死自是後有腹非之法比

師古曰比則例也

姦鑄  
赤仄  
食貨志

郡國鑄錢民多姦鑄錢多輕而公卿請令京師鑄官赤仄一當五賦官用非赤仄不得行

師古曰姦鑄謂巧鑄之雜鉛錫應劭曰赤仄謂子紺錢也如淳曰以赤銅爲其郭也今錢郭見有赤者不知作法云何師古曰凡充賦及給官用皆令以赤仄

英錢食貨志

漢興以爲秦錢重難用更令民鑄莢錢。

如淳曰如榆莢也。

### 八銖錢高后紀

高后二年行八銖錢。

應劭曰本秦錢質如周錢文曰半兩重如其文卽八銖也漢以其太重更鑄莢錢今民間名榆莢錢是也民患其太輕至此復行八銖錢。

### 五分錢高后紀

高后六年行五分錢。

應劭曰所謂莢錢者。

### 四銖錢文帝紀五年食貨志

孝文時以錢益多而輕乃更鑄四銖錢其文爲半兩除盜鑄錢令使民放鑄。

師古曰恣其私鑄也。

賈誼諫曰令細民人操造幣之軌各隱屏而鑄作姦錢日多其爲禍博矣。

### 五銖錢武帝紀食貨志

武帝元狩五年罷半兩錢行五銖錢。

食貨志元狩五年三官初鑄五銖錢三官謂上林三官也。

契刀錯刀食貨志。

王莽居攝變漢制以周錢有母子相權於是更造大錢徑寸二分重十二銖文曰大錢五十又造契刀錯刀契刀其環如大錢身形如刀長二寸文曰契刀五百錯刀以黃金錯其文曰一刀直五千與五銖錢凡四品並行。

張晏曰案今所見契刀錯刀形質如大錢而肉好輪厚異於此大錢形如大刀環矣契刀身形員不長二寸也其文左曰契右曰刀無五百字也錯刀則刻之作字也以黃金填其文上曰一下曰刀二刀泉甚不與志相應也以孔單差錯文字磨滅故耳師古曰王莽錢刀今並尚在形質及文與志相合無差錯。

連弩李陵傳

李陵發連弩射單于

張晏曰三十案共一臂也案去權反。

便衣李陵傳

師古曰謂著短衣小襫也。

一半冰李陵傳

李陵令軍士持二升糒一半冰。

師古曰半讀曰判判大片也時冬寒有冰持之以備渴也。

百金稅朱建傳十三

朱建母死辟陽侯奉百金稅。

師古曰贈終者之衣被曰稅言以百金爲衣被之具稅式芮反其字從衣。

問遺婁敬傳十三

師古曰問遺謂餉饋之也。

舍匿淮南厲王傳十四

舍匿者論皆有法。

師古曰舍匿謂容止而藏隱也。

發車封淮南厲王傳

不敢發車封淮南厲王謀逆赦死罪載以輜車令縣次傳王不食而死縣傳者不敢發車封。

孟康曰檻車有封

友壻嚴助傳三十四上

嚴助對武帝曰臣家貧爲友壻富人所辱

師古曰。友壻同門之壻也。

搏景主父偃傳三十四。

匈奴獸聚而鳥散。從之如搏景。

師古曰。搏擊也。搏人之陰。景言不可得也。

刷恥貨殖傳六十一。

報彊吳刷會稽之恥。

師古曰。刷謂拭除之也。

埒富猗頓傳。

與王者埒富。

師古曰。埒等也。

稱之不容口。爰益傳十九。

師古曰。稱美其德。口不能容也。

法宮晁錯傳。

五帝神聖處法宮之中。明堂之上。

如淳曰。法宮。路寢正殿也。

充賦晁錯傳

晁錯曰以臣充賦甚不稱明詔求賢之意

如淳曰猶言備數也臣瓊曰充賦此錯之謙也云如賦調也

狐白匡衡傳五十一

夫富貴在身而列士不譽是有狐白之裘而反衣之也

師古曰狐白謂狐披下之皮其毛純白集以爲裘輕柔難得故貴也反衣之者以其毛在內也今人則以背毛爲裘而棄其白蓋取厚而溫也衣於旣反

隨牒匡衡傳

匡衡材智有餘經學絕倫但以無階朝廷故隨牒在遠方

師古曰階謂升次也隨牒謂隨選補之常牒不被超擢者已然諾灌夫傳二十二

灌夫不好文學喜任俠已然諾

師古曰已必也謂一言許人必信之也

餐錢奉邑高后紀二年

列侯幸得賜餐錢奉邑

章昭曰。稅租奉祿。正所食也。四時得閒賜。是爲餐錢。餐。小食也。師古曰。餐。浪同一字耳。于安反。浪。所謂吞。食物也。餐錢。賜廚膳錢也。奉邑。本所食邑也。奉扶用反。

